

角山樓詩鈔
下



832261

角山樓詩鈔卷七

金陵懷古

獅子當年亦霸才如何脣齒起疑猜
潛圖巴蜀開戎釁反結當塗釀禍胎
重鎮徒爭江夏利樓船終自益州來
取虞滅虢須臾事鐵鎖千尋付劫灰


化龍一馬蹴青霄止藉偏隅守廟祧
故國纖兒撞竟壤新亭名士泣無聊
內憂難弭強藩釁外患逞論黠虜驕
角山樓詩鈔卷七

待到燕秦歸赤籍可憐金運已蕭條

射蛇意氣壯新洲天子生擒屢獻囚
韜略能教強虜懾鋤犁翻啟後人羞
符鳩唱罷城先壞守犬偷來佛亦愁
淵儉才華皆絕俗忍除舅氏贊新猷

幸逃飽箭贊綸扉朝野傾心物望歸
東海雄風方虎視西昌大業又龍飛
乘時竊柄家風紹選色徵歌國祚微
獨有竟陵文藻擅書編四部播芳徽

金甌完固本無虧節儉堪爲後世師
麩憤荒唐唐祀先祖



蠟鵝暖昧失佳兒西方闡教終何益東魏求成竟受欺
混一中原憑靈夢納降凶狡昧機宜
西梁北魏幾經營爭柰文孫逞麗情石振銅籤遺烈邈
庭餘玉樹豔詞賡瓊枝但聽宮中唱羽檄徒勞闔外呈
慘絕景陽晉井在脂痕染帛尙分明

吳王宗派係天家合使楊花讓李花崛起香孩方震奮
無愁天子且風華倉皇辭廟宮娥泣寂寞鈔經嬪御嗟
惟有新詞畱奕禩清才猶向藝林誇

角山樓詩鈔

卷七

二

規模宏遠肅朝綱家難如何起後王端爲分封驗法制
非關立嫡召災殃忠魂十族蕪荒草古塔千秋晷夕陽
燕子飛來竟成讖難將理數叩穹蒼

黃鶴山懷戴處士

幽谷鳴黃鸝楊柳陰漠漠招提映巖阿及此塵襟卻暮
春好天氣乘興躡芒屨此地昔幽棲曾傳戴仲若耽隱
癖林泉抗志辭好爵晉宋多隱流戴氏尤磊落達也破
瑤軫風規殊峻嶮述也守未堅聞命頓唯諾公居通介

閒進退獨寬綽周旋衡陽王撫絃共娛樂野服自逍遙
疏食甘澹泊直令軒冕尊不敢傲緩鶴古人嗟已遠賸
此好巖壑日夕風入松似聽琴聲作

丹徒宮行

亂鴉飛入京口里壽邱山高壓城起尋常巷陌何蕭條
人道寄奴曾住此漢家龍種遺江東虎步龍行草澤中
射蛇還似斬蛇壯故宅合比新豐宮魏晉相承亂漢紀
百五十年復其始誰言攘竊踵奸謀畢竟循環有天理

角山樓詩鈔

卷七

三

滅燕破魏入秦城義士輸糧送將營西京園寢盡修復
長安父老思昇平受籙膺圖六十載後嗣荒淫天命改
國祚雖遭宵小傾故宮尙有鋤犁在

食蠲

食譜流清芬介族振芳烈誰延彭越來風味信奇絕憶
爾郭索聲爬沙辭故穴擁劔徒逞鋒輪芒若持節從容
博帶圍峭勁文戈列橫行志正豪向火計何拙一鐙閃
沙汀千箇付漁龜羈縻葦索牽烹醢松薪熟入釜螯尙

撐登盤背欲裂尖團嗜好殊堅脆棄取別炙手醃顏腴
攘臂鬼臉揭脂滑流紫霞膏凝堆絳雪黃中美蘊含白
八色瑩澈截玉形旋分含沙味轉劣醋酸漬瓊膏薑老
滲金屑抉剔到纖微品嘗恣饗餐冰柱逾蜃珧烏衣陋
珠籠筵開賞菊宜宴罷搓橙悅隨潮本無腸佐饌翻夾
舌囊中還請君沈酣老麴甃

簾波

煙縷輕裁組織多涼痕到地瀉微波庭清似水塵都洗
角山樓詩鈔卷七

四

屋小於舟月乍過倚枕頻教夢湘浦隔窗最好望天河
更宜一片松風入添得濤聲和嘯歌

香篆

金猊鎮日傍瑤疏幾縷輕痕嫋碧虛入室還疑荀令在
書空卻訝李斯餘榴花遙襯朱文細蕉葉低縈綠字舒
若令收香來倒挂依稀鳥迹幻庭除

茅山進香詞

懺悔端能遠禍災一年一度到山來茅君錫福人間早

元日宮門已洞開
驅車何似放蘭桡
柔櫓搖來水半篙
斜倚篷窗看山色
仙雲一朵落春濤
疏星幾點在山陲
下得籃輿上玉墀
最是村氓意誠切
朝眞爭趁未明時
焚香已罷別仙眞
逐隊提筐踏輓塵
黃布印來丹篆細
還將神惠送邨鄰

角山樓詩鈔

卷七

五

羸得兒童拍手迎
光陰三月過中旬
寂寞煙雲閉玉宸
來歲山程兼水驛
奔波又是進香人

訪華陽館舊址

嶺上一茅茨
嵐光四時碧
牆垣借古木
闌楯有奇石
昔聞陶通明
林泉此卜宅
心爲片雲留
志豈三公易
東淵舊移家
數弓草萊闢
層樓出塵表
養眞謝俗客
芝朮當常餐
磨屨時混迹
老我忒閒游
夙抱煙霞癖
蒼藤覆古

洞籃輿入徑窄側耳聞松風塵襟頓消釋

臥龍松歌

赤山湖接江之東其上縣互三茅峰蒼龍蟄伏僵不起
化爲杈朽屈折之長松松聲颯颯濤在地根抵鬱盤老
煙翠不向招提破壁飛猶似深潭抱珠睡一自仙人朝
玉京雙龍夾轂西南行至今老聶胡髯秃夜夜猶聞風
雨聲

西津曉渡

角山樓詩鈔

卷七

六

雙槳急於梭中流一霎過地通南北便船趁利名多日
氣蒸前渚潮痕散淺渦艱難慎行路身世有風波

添置救生船歌

家大人命賦

長江天險風波惡行舟最怕石尤虐扶危賢令福蒼生
善士承風互籌度慈航普渡救顛連賈舶往來盡歡躍
慈航不敵賈舶多顧後瞻前柰若何莽莽秋風掀白波
奔濤萬里來岷峨折葦汀前挂席過揚舲擊汰平復頗
欲前不前迫旋渦呼天不聞泣涕沱非無渡後疾於梭

車薪栝水方同科不有仁人救坎軻安得越舫吳船涉
險終無他吾父目擊心惻惻不覺慈悲發胸臆嫋嫋嬰
赤慣垂憐况復涉波險難測渡船添設擴成規榜人聞
風益謹節麥舟何以慰親心詩成自顧增慙恧
召伯埭亦名甘棠鎮
構難寄維揚鳩工築埭忙身危功益顯千載溯甘棠

露筋祠並序

露筋事甚誕然祠於秦郵湖上祀典赫然蓋比於

角山樓詩鈔

卷七

七

湘君河伯之流矣偶經其間仿九歌遺意作迎神

送神曲二章

竹有節兮蘭有英璧之潔兮冰之瑩靈之來兮揚蜺旌
渴不飲兮盜泉倦不息兮惡木犯蚊喙兮飽蚊腹捐吾
軀兮勵薄俗騁駕兮雲中紆旆兮湖曲陳笙竽兮奠醢
醪蹇將憺兮沐芬郁

右迎神

飮蕙葳兮醒桂醕鸞車迴兮虎瑟鼓靈之歸兮憺容與

河水黃兮淮清俾安流兮不驚披薜荔兮帶杜蘅駕飛
龍兮從長鯨霞宮兮遽返雲旗兮上征渺不見兮空屏
營睠饑社兮珠月明

右送神

蚊市

黍民豈解鬻貲財龍斷常憑暗室隈丹鳥羞時鐙火列
碧紗圍處鬪闐闐自鳴得意昏兼夜人厭求膏去復來
底事日中甘隱匿夕陽纔下便喧阗

角山樓詩鈔卷七

八

蚊雷

昏黃檐際鬧縱橫號號隆隆結隊成豈有威聲聞百里
偏撓清夢到三更音喧非爲推車起芒刺渾教失筋驚
似識詩人不遑處殷然宛具負山情

淮陰雜詩

胯下橋

性情磨鍊成堅定胯下何妨屈此身畢竟英雄能忍辱
子房亦受老人嗔

南昌亭

寄食休嫌德不終分甘數月惠優隆劉家轆釜勞邱嫂
猜忌還生骨肉中

劉伶臺

禪中蟣蝨逐羶腥世味何如酒德馨富貴沈酣成底事
世人皆醉獨公醒

老子山

已超眾有入虛無豈藉刀圭養體膚此去周京二千里
角山樓詩鈔卷七

偏傳老子鍊丹爐

九

登海山樓晚眺放歌

上有塵巖千仞之天柱下有潑漉萬里之長流玉棟虹
梁忽高架海山突兀懸危樓樓高去天不盈咫雉堞女
牆相迤邐獨立憑闌思渺然輕如一葉臨風耳雲外飛
來百尺虹晴嵐杳靄摩蒼穹餘霞滿天散作紺紫色日
薄山谷磨青銅縹緲神光難盡覩恍見方壺圓嶠羅列
森諸峰瓊樓十二排重重雲窗霧幔填青紅往來倏忽

羣仙蹤左扶綠玉筇右把青芙蓉神洲侍者闔苑仙童
金支翠氎霧轡風駿紛綸閃鑠蒼煙中拍掌笑我何愚
蒙有如小鳥羈樊籠我聞斯語如洪鐘謝君振贖兼發
龔逝將飲柏餐丹楓好從列子御天風須與羣仙歸太
空日落海氣陰濛濛龍霧黯黯不可辨安得然犀照見
馮夷宮天地之大無不有滄溟況是神仙藪振衣千仞
身凌虛長嘯一聲氣沖斗紫茸之峰高插天淮南巨鎮
獨巍然百年日月一轉瞬世事更變嗟桑田討幽選勝
角山樓詩鈔卷七

十

快游興眼前風景真無邊海作墨池山作研詩成驚起
水底驅龍眠

歌風臺懷古

息戰中原卷甲回大風歌繞白雲隈斬蛇氣壯開王業
烹狗謀成失將才富貴本從亭長起粗豪依舊酒徒來
遺蹤寂寞蒼巖外牧笛樵謳過古臺

吾潤菊花最盛庚子秋購百餘本置齋中同人

先示佳篇作此奉和

佳種曾從老圃移和煙帶露正紛披生來高節非關傲
澹到秋心未覺遲滿座寒香浮几席一鐙清影上罍罍
數枝聊作齋頭供愧少東籬款客卮

角山樓詩鈔卷七終

角山樓詩鈔卷七

角山樓詩鈔卷八

丹徒趙克宜小樓

戲題美人圖

體態輕盈著色勻
秋波一轉最傳神
分明阿堵含情思
誰說娉婷畫不真

蘭蕙芬芳氣襲予
安排盆盎浣花居
掃眉才子風流劇
一瓊清襟一卷書

翩翩紅袖傍蘭房
寶髻梳成時世妝
隔著碧紗窗六扇
角山樓詩鈔

卷八

一

博山鑪熱水沈香

情禪悟後見猶憐
可許清狂締夙緣
不是風懷慕張碩
杜蘭香自意纏綿

浪花

春浪三篙渡口生
微風吹起縐難平
桃花漲帶輕煙輭
竹箭流翻落日明
人世浮泡原共幻
年華逝水太無情
萍蹤一樣傷漂泊
有客天涯賦遠行

筆花

采豪揮灑燦飛霞
揆藻揚芬信可誇
夢境生機仍豔發
管城春色正繁華
非秋垂露沾初溼
落紙如煙淡不遮
意蘖心苗同絢爛
清詞馥郁吐天葩

劍花

一泓秋水浸芙蓉
誰把鵝膏淬利鋒
塞上霜飛寒不落
尊前醉舞興逾濃
蒨緜不掩純鉤采
苔繡休教寶匣封
挈取倚天極雄傑
還看雲葉繞重重

鐙花

角山樓詩鈔

卷八

二

罷敲碁子未成眠
獨對蘭缸色倍鮮
熱裏榮華難久駐
晚來光景劇堪憐
銅荷掩映澄輝吐
瓊蘖迷離細瓣圓
最是攤書看有味
心花好共逞清妍

秋鐙

殘鐙明滅紙窗邊
旅客秋宵獨黯然
一點青熒渾似豆
夜闌孤館不成眠

秋蛩

秋士無端動遠情
百般憂緒靜中生
寒蛩底事還淒切

也向窗前訴不平

登高感懷

入世忙忙雪鬢侵，偷閒半日此登臨。
側身天地驚飄泊，滿目江山自古今。
人到中年家室累，事多逆境慮謀深。
塵牢俗桎何時脫，習靜能游物外心。

詠齋中盆菊次黃蘭叔

應奎韻

黃花畱舊種，避地復歸來。

予向養菊多至二百餘種，
夷難後僅十存二三耳。

歷

劫心逾淡遺根手，自培爲憐高隱意。同舉故人栝莫惜

角山樓詩鈔

卷八

三

芳菲晚東籬次第開

渡江詢舟子病狀有感

買櫂返京江，秋風正蕭瑟。舟子有病容，聊爾一相詰。
俯首長嘆吁，含悲向予述。少小學弄船，風波膽常慄。
年華逾七旬，臚此衰朽質。今春得噎病，胸膈患阻窒。
飲食漸次希，醫治苦無術。絕粒已多時，坐待命盡日。
老死亦何傷，兒幼無人恤。說畢強持篙，操作未肯逸。
我適聞斯語，不覺涕泗出。涕泗出胡爲，先嚴同此疾。

故里訪舊

苦歷干戈淚暗彈餘生偏覺影形單貧交流落知誰在
故我周旋作客看浩劫已消魂未定離情欲語意先酸
爲憐壁立難棲止畱宿殷勤勸晚餐

遣懷

浮生如過客碌碌竟何爲殘照檐牙閃秋風病骨知鵬
搏愁少翼蠶老尙餘絲無計堪排悶惟憑酒一卮

哭宋弁山

嘉粟

角山樓詩鈔

卷八

四

謬附鷗盟十載期遭家多難賴扶持筋躬古誼和兼介
涉世多方險若夷逝者有靈應我憶不才常悔識君遲
弁山與書農兄同入泮今年逾五十與予訂交甫十餘年耳
相知更有誰

謁宗忠簡公墓

恢復兩京反掌耳奈何中道身先死忠義已收壯士心
貔貅帳下供驅使高宗若肯從公言車駕還京不他徙
兩河盡用建炎年義旅奮興能順指何難收拾舊河山

掃蕩妖氛洗宿恥無柰君心猜忌深豈獨汪黃能詆毀
不教諸將殄寇讐但懼兩宮還帝里奏疏淋漓廿四番
碩畫英謀託空紙三呼渡河聲動天貫日精忠死未已
事機一錯悔難追臣構遺羞從此始後來縱無秦與湯
安望規模能振起苟安何足語中興英雄飲恨乃如此
京峴山陰土一邱墓門偏近大江頭忠魂千古有餘恨
怕見厓山海水流

懷鶴堂聽張耕雲鍊師彈琴

角山樓詩鈔

卷八

五

絃徽纒一撫心氣自和平今古此高調乾坤雷正聲疏
疏蘿月淡謾謾松風鳴不遇鍾期聽誰知物外情
欣戚兩俱化悠然太古春室虛疑有籟坐靜若無人冥
想入山水元機通鬼神箏琶慚俗耳從此洗凡塵

連對一夜泊丹陽大雨

橫擢雲陽驛中宵雨勢騰喧聲驚斷夢涼意逼孤鐙溷
急舟難穩泥融岸欲崩披衣起危坐破悶仗良朋

慧泉

江底中冷迹久湮寺僧汲井誑游人
慧泉品第雖居次猶勝金山僞亂真

秦園

馬角烏頭恨未休早殞第宅報殊猷
名山不受冰山辱千載園林屬少游

尼庵

定慧環生妙理參此山端合住優曇顛
狂惱煞閒蜂螻底事尋香到野庵

角山樓詩鈔

卷八

泥孩

或揀象簡或扶犁或作嬌娃或老嫠
賈賤榮枯渾異致前生同是一團泥

同顏楚才

于錯

黃蘭叔陳子耘

克絜

舍姪璧山

連城

汎舟姑蘇晚泊閶門作

衝煙來往畫船輕路指金閶落照明百尺樓臺環一水

兩岸多

三層樓六街燈火到三更地經都會鞿懷減座有賓朋

逸趣生漫說萬緣俱淨盡此心未了是微名

時同壁山姪赴撫署

考
諫

五人姓名傳竹素墓碣但題五人墓天地生人抱性真
配三才者方爲人五人晦迹溷城市屠狗取繪藏此身
不入巖廊顯勳業不與文士爭璘彬或爲輿人或牙儂
往來閭巷如游塵一朝義聲動寰宇能使奸黨驚賢豪
慕緹騎不敢呼中丞不敢怒惕息屏營伏廁閒殘喘苟
延僵且什五人雖被誅逆璫心悚懼東廠駕帖寢不行
角山樓詩鈔卷八

七

白公隄

白公隄傍山谿收東洪流漑稻畦白公德與靈源齊維
公治郡富文雅淡蕩煙波入描寫金管玉栢韻事多朱
顏翠黛閒情惹我昔讀公詩知公性瀟灑頗疑逸興寄

歌場未必精心理民社場來隄上一朝游始識汪洋
澤流原野世閒道學何矜莊規言矩行循典常大府拔
之登朝堂濂洛眞傳名譽揚偶談經濟心慚惶尸位素
餐蠹太倉蠹太倉罪猶小興利貪功更滋擾舊坊無用
一朝隳成法千秋任顛倒虛名安用君子儒濫膺民社
無良圖白公之隄誰得如至今過者猶踟躕

短簿祠

曾與超髯共擅名令公喜怒霎時生何如方外狂司馬

角山樓詩鈔

卷八

八

行酒偏能屈老兵

眞娘墓

一片斜陽草似茵自攜清醕醉眞眞要離冢接專諸墓
足並千秋是美人

千人石

能從白地放光明攘往熙來任眾生不與奇峰爭險峻
最能容物是寬平

萬笏林

名山輔佐古來傳況是參差疊嶂連高下憑他班列異
何妨萬笏共朝天春林詩書詩來韻簡去公平韻明
蟄龍起深潭倦鳥返幽谷進退會有時行藏計宜熟我
游圓智寺畱連數椽屋聞說東西頭昔曾棲二陸典午
事紛紜八王角逐哲人貴知幾考槃堪寤宿如何世
網攖末路見窳蹙河橋甫償軍上將已遭戮同根棣華
榮分符恩寵沐運至爭飛騫時危共傾覆竹篠何曾飲
霜隕林木空餘鶴唳聲月明出山麓日數懸風吹海

角山樓詩鈔

卷八

九

吳季子廟觀十字碑

有吳君子何年葬墓表峨峨屹屹相向宣聖如聞歎息聲
淋漓椽筆神彌王千乘之國請固辭讓德堪爲百世師
後儒持論太苛刻偏於往哲求瑕疵力言光儻起爭鬻
悉自遜國開禍基春秋特書札來聘削去公子寓貶辭
羣言淆亂折諸聖盍觀吾子題豐碑十字貞珉耀華衮

千秋定論長昭垂古來華胄不勝數鹿鹿生平無建樹
百歲光陰逐利名一朝薶沒隨塵土文士空裝諛墓金
語涉誇張究何補豈無華表高入雲姓氏沈淪自終古
茲碑重勒久不磨四方觀者勞奔波我來延陵拜古廟
沸井激盪如絃歌雷連不覺斜陽過三宿碑下頻摩挲
山莊追和漁洋山人秋柳四首用原韻

秋雨秋風總斷魂那堪搖落掩閒門纖腰舞罷增愁緒
冷眼看來有淚痕一抹涼煙籠遠浦幾灣流水繞荒村
角山樓詩鈔卷八
經年枉管人離別如此蕭條不忍論

十

離披何處不經霜瘦影蕭疏傍野塘水驛涼颼維畫舫
山郵殘月冒車箱依依江漢空吟庾濯濯風姿漫憶王
不獨灞橋攀折盡柔絲漸減善和坊

曾記經春綠染衣昔時風景悵全非章臺老去人何在
彭澤歸來迹已稀涼露滿林寒雁下夕陽終古亂鴉飛
頓教洛里朱顏減寶馬金鞍願總違

憔悴何人著意憐長條猶自綰淒煙回思絮影成飄瞥

角山樓詩鈔卷九

丹徒趙克宜小樓

述 祖德四首

聞諸 庭訓製爲韻語謹誌不忘工拙弗計

吾 祖子仁公行仁自親始聚族而羣居肫然篤倫紀
一夕自塾歸晚餐列案几忽聞有族子炊煙猶未起投
箸謂家人吾已飽餐矣故友適見招設饌羅酒醢此可
餉吾族俾得舉棊匕讓餐不明言人皆信然耳轆轤飢
角山樓詩鈔卷九

腸鳴忍餓深宵裏

古賢常有言分財謂之惠何乃無財者施惠恐不逮吾
祖子仁公舌耕敦古誼受贄本無多存心在施濟偶值
鄉里中一士溘然逝赤貧難送終無棺曷可瘞奔告忽
來前稱名非素契喪葬苦無資身任一何銳任銳祇空
囊曷以資調劑忽思鄰可貸頓覺愁顏霽忠信夙所孚
片言抵金幣俟彼束脩資藉作彌縫計前者貸方償後
者貸又繼償畢更復貸賻喪有成例

讀書期致用所貴義理熟義理苟不明奚取便腹吾
祖名立公幼慧勝耆宿方當舞勺時橫暴苦癡叔肆虐
在家庭悉數難更僕一朝盛氣衰明忽失雙目旁人竊
相謂天道有往復此宜直報怨魯論誰不讀吾祖云
不然斯論未爲篤聖言待常人非以待骨肉問疾極殷
勤贈金發箱籠頓使悔心生往來倍雍睦

大母李夫人四德無不全吾祖翼新公幼擢弟子員

會遇省試期夏夜攻芸編辛勤成疾疾未試先顛連

角山樓詩鈔

卷九

二

大母竭心力百計求病痊醫藥苦罔效慟哉失所天堂
上近七旬皤皤雙華顛遺孩在懷抱方值周晳年形影
弔熒子鉅任誰能肩衰宗幾欲絕一髮千鈞縣制淚奉
姑嫜怡色相周旋撫孤復肫摯教督尤精專有時犯小
過斥令來膝前忍愛施扑責心酸祇自憐慈母作嚴父
教養均無偏吾父述慈訓垂白猶涕漣

過高丈問源

湖

襟話

人皆憎水厄愛此我偏來

有客過訪必令飲襟

火候親參論

自煎不假

僕
鐘泉香細鑿裁團雲勞揀茗

案頭香茗數種聽客所好

含露幸分栝

意趣蕭閒甚忘年雅量恢

題問源丈持蘭獨立圖

布韞芒鞋矍鑠翁何須妙手試空空幽情自與蘭同臭
聊把孤芳倚晚風

勘破紅塵不受羈蒼茫搔首寄遐思心香何處參眞諦
盡在拈花一笑時

入手猗儺絕點塵寫來空谷好丰神三千色界都離卻

角山樓詩鈔卷九

三

別有幽香當美人

十九年來歲月深

問源繪此圖於今十九年矣

重開畫轡索微吟風

裳水佩渾如昨擬向離騷託素心

斲槍

沙場提出寸心丹一騎如飛萬目觀剛到十分摧折易
功經百勝保全難凋殘棗木威何在零落梨花氣尙寒
半截能持還奏績哥舒慷慨據征鞍

破鏡

誰把金精折半規依然絳氣繞寒帷菱花七出空畱影
桂月重圓待幾時心迹惟憑分照好刀頭密數上天期
樂昌自有團圓日玉匣雕匱謹護持

蘇下其禿筆

風馳雨驟久橫縱遺冢應將退筆封老去中書難視草
戰餘都尉合藏鋒花抽斑管懷前度松寫枯枝認舊蹤
繪日摹天須及早菁華銷鑠悔何從

缺研

角山樓詩鈔卷九

四

舌耕筆耨倚良田殘缺仍畱翰墨緣完璧原知人世少
素心合讓石交堅補天鍊去雲根易修月攜來玉斧便
但免三災隨俗土便消圭角亦欣然

爲姪孫平安作示璧山姪

添丁在逆旅時值亂離難

往歲生於西省

萍梗三秋汎蘭芬四

世歡高堂勤撫弄小字喚平安襁褓知英物瑤瑜莫浪

看

移寓

艱辛閱盡歇征輪詎料仍爲轉徙身居有芳鄰何待買
家無長物好安貧爲山自愛多奇石

園內假山極妙

近市依然

遠俗塵茗椀香鑪新位置百凡草草笑勞人

贈黃蘭叔

異地分襟悵索居勞君重訪故人廬士逢知己肝腸熱
交到忘形禮法疏伯道無兒同抱恨劉蕡不第漫長歔
遣懷且盡尊中酒萬事從教付子虛

謁史閣部墓

角山樓詩鈔

卷九

五

梅花嶺畔一坏土白楊蕭蕭嘯杜宇行人下馬拜斜陽
歔歔猶爲酌清醕維公至性貞且純少時意氣干青雲
文章早動左忠毅一見決爲社稷臣佐小朝廷志莫伸
奸佞况復操樞鈞公馭驕將屯江濱支持半壁何艱辛
飛章告急日紛紛無愁天子昏不聞樓船渡江排陣雲
降帆一片出石城玉棺下降迎忠魂忠魂縹緲游丹闈
衣冠零落薶荒原蜀岡古冢正無限獨此正氣畱乾坤

落葉

商意滿林薄蕭蕭落葉鳴劇憐多病態無復後凋情淒
切秋心觸飄零暮景成不堪重回首今昔異衰榮
生涯驚浩劫飄瞥任西東言念流離況虛承造化功
陰愁落日身世老秋風埽去還交集予懷百感同

瓜步道中口占

身如倦鳥未歸林破曉驅車感不禁草木凋零驚野曠
山川黯澹覺秋深風塵正爾孤懷切霜色無端兩鬢侵
歲月蹉跎嬰患難長途迢遞且行吟

角山樓詩鈔

卷九

六

雪獅

狡狴信雄奇其生實戎貊如何玉砌蹲巧借雪花積昨
夜散瓊瑤周除燦琮璧羣鳥避寒威百獸潛遙積兒輩
獨歡呼英姿豫籌畫握瑾善雕鐫滌瑕精選擇敗鱗藉
玉龍鉤爪森白澤瓊底印茸毛林梢撐鐵額點睛著靈
棊掉尾曳通帛鏤冰牙慧明剪紙舌痕赤吼但少雷聲
乳欲滴雲液儼從疏勒來豈供大秦役白超勝黃超皎
潔見標格迎風態益奇當道地嫌窄林邑舊猖狂宗慤

奏奇策彌陀五指伸荒山羣鬼辟肖形古來雄劓談威
顯赫况藉天公靈尤奪魑魅魄奮髯冰柱垂昂首雲漿
滴帖帖耳隱頤彤彤毛夾脊霰集體愈肥日出形轉瘠
非同畫虎狀莫認集狐腋曾聞尾作拂可贈揮塵客安
得畱盛夏一掃蠅營迹

寒雅

無端墨點散紛紛披料峭寒空結陣遲迴野聲喧風過後
平林影亂日斜時淒迷欲止誰家屋瑟縮還依老樹枝
角山樓詩鈔卷九

七

多少人閒孤客恨烏棲一曲最堪思

寒雁

孤館宵深旅思牽那堪嘹唳警愁眠關山迢遞經千里
風雪飄零又一年蘆葉沙灘寒宿雨梅花驛路冷衝煙
勞人歲晚思停轍怪爾翱翔度遠川

寒柝

殘燈無燄掩陳編人語天街已寂然孤枕月斜幽夢醒
小窗風定遠聲傳偶兼鐵馬喧還靜爲雜銅龍斷復連

巡徼不應羞賤役抱關自古有英賢

寒礎

歲暮方思挾纊溫擣衣聲急出前村遙知明月臨溪岸
卻憶嚴霜到塞垣冉冉征鴻飛欲盡蕭蕭木葉下偏繁
羈人一聽腸應斷裘敝何時返故園

小園十二詠

春草池塘吟榭

臨流時散步舊夢不堪思惟有春來草依然綠滿池

角山樓詩鈔

卷九

八

愛石山房

米老袖中石攜來疊作屏宛如文士筆實處盡空靈

藏春洞

不放春光去藏將古洞中誰知藏不住花出短牆紅

小虹橋

一曲晴虹臥渾如飲碧流儻教架天末容我挾仙游

聽鶯館

絲竹不如肉悠然入耳清五更殘夢覺時送兩三聲

觀魚檻

樂意在何許游魚契我心縱觀渾不厭夕照入池深

風廊

故人渺何處望斷碧雲隈偶爾修廊步清風忽自來

月臺

沈寥夜景澄憑虛聊一望萬里淨無雲玉宇何遼曠

棠榭

涼意襲衣襟時聞蟋蟀吟幽花自媚楚風露滿牆陰

角山樓詩鈔

卷九

九

柳塘

柳亦如人樣偏耽近水居夜來新雨過綠漫到階除

桐軒

何處得秋早碧梧垂短檐涼宵七絃上倚樹遲明蟾

桂嶺

簣覆亦成嶺木犀香早聞殷勤招隱意煙外播幽芬

苦寒行

貂裘無溫棉欲折研池壘塊堅已結忍寒呵凍思揮豪

半稟未成手皴裂昨夜蕭條風怒號滿庭皎潔堆瓊瑤
霽色既開寒轉甚刀鉞削面風淒凜有酒不足澆嚴寒
何況無衣卒歲難君不見窮士避冷入土穴瓜廬已破
臥深雪又不見旅人長河運舟楫河水不開凝如鐵安
得杜陵廣廈白傅裘一一盡爲蒼生謀陽春熙洽無煩
憂

句芒

氏族金天溯勳名木正推東郊迎乍入南畝祀還宜冠
角山樓詩鈔卷九

十

冕頻更換鬢眉任轉移星躔方炳耀鄭重奉明粢

土牛

牛原徵土德土復幻牛形搏埴方成象耕耘儼効靈一
身占水旱五色炫丹青犢子還分送家家叩竹扃

爆竹

豈爲催花發偏分斷竹形幾番勞束楮一震奪驚霆那
惜焚身驟何妨掩耳聽年年歲除後萬戶響無停

門神

顧盼非無偶，虛空可置身。甘爲門外漢，閱盡路旁人。毛髮如生肖，冠裳逐歲新。司閭權最重，爭怪爾稱神。

春聯

不待雙扉啟，先看兩語懸。漫疑題鳳字，卻許截鸞箋。頌禱關家國，勳猷溯古先。淋漓書大筆，照眼墨華鮮。

臘酒

又飲屠蘇酒，年華一歲過。何人不謀醉，令我悵當歌。鶴琰擎休放，駒光逝若何。還將詩卷祭，滿滿注紅螺。

角山樓詩鈔卷九

十一

打冰行

邗溝浩渺通滄江，北風一夜疑奔瀧。淮流百里徹底凍，徑渡何必需徒杠。舟子束手苦無策，舵樓極目心增懣。行人不待二之日，干夫齊鑿森戈縱。初如戛玉音琤琮，繼如鯨鐘夜半撻。中流如下雁齒椿，齊呼邪許聲紛囂。龍文百斛力可扛，其如澤腹堅未降。砮然山石頽崆嶸，歎與估舶相春撞。大船歛盪搖帆幢，小船驚怖注目眩。直待冰山盡消釋，始能安穩循漁疋。酸風瑟瑟穿篷窗。

楊子渡口飛輕艫浩歌擊楫開玉缸

詠古八首

文君當壚

蛾眉犢鼻結同心遺迹臨邛尙可尋佳偶渾忘居市賤
豪家翻爲閉門深清芬絕勝黃封酒舊夢難忘綠綺琴
底事縈情茂陵女却勞重賦白頭吟

明妃出塞

不因畫手損丰標永巷長令守寂寥絕域也堪服揄狄

角山樓詩鈔

卷九

七

平戎況復勝嫖姚紫臺漫訝塗偏遠青冢誰言恨未消
一樣美人葬黃土玉鉤斜畔草空凋

文姬歸漢

入拍胡笳調最悲邊荒誰解惜蛾眉分無性命還中土
賴有奸雄憶故知繡幃歸來感今昔遺書散盡愴流離
鄉關終老情雖慰回首嬌兒轉鬱伊

綠珠墮樓

百尺高樓絕點塵紅顏撒手少逡巡不教圭璧遭微玷

合與珊瑚碎此身夢挈玉笙游上界魂歸金谷泣殘春
東風日暮聞嗁鳥似愴當時絕代人

班昭續史

已將箴頌繼風騷史續蘭臺業更高鐵筆恰歸纖手握
冰衡一任慧心操三長兼擅人推重八表初成帝寵褒
卻笑紅閨幾才女吟風弄月在喧嘈

道蘊解圍

清談風尙入閨闈塵尾應勞素手揮理窟能摧強敵壘
角山樓詩鈔

卷九

三

詞鋒頓解小郎圍繁花妙緒璇機轉詠絮餘才玉屑飛
佳客不嫌頻送難輸攻墨守旨深微

木蘭從軍

迷離撲朔孰雌雄負羽居然壯士風鐵騎長嘶邊草白
石槿不著繡裙紅機中罷織迴文錦塞上還開滿月弓
多少行閒甘退縮欲將巾幗遺元戎

紅線盜合

翩若驚鴻捷若蜎去來蹤迹渺無痕銀刀幾隊圍軍壘

玉合三更出寢門卻笑貔貅屯要地翻資蛇虺懾雄藩
銅臺百尺臨漳水想見乘風度遠村

和東坡歲暮紀俗三首

餽歲

豪門盛賓朋官廨集參佐不惟設几筵亦復萃珍貨紀
綱致包苴車高馬亦大吾意厭紛紜蓬廬聊獨臥欲同
彌勒龕羞聯許史座嘯傲樂雞窗生涯儕馬磨惟見舊
親朋有時或吾過贈以迎歲詩論心兼索和

角山樓詩鈔卷九

十四

別歲

不恨流光速但嗟聞道遲幼讀古人書努力欲攀追崇
山陟巔頂廣澤竄津涯有志苦未逮如矢嗟歲時抱甕
白酒熟豚豕黃雞肥年年勞餞歲歲去空自悲駐顏旣
無術老至烏敢辭所期精力健莫使志願衰

守歲

且共泛楮蟻莫教引睡蛇雙夙走天際巉岩莫能遮
無魯陽力柰此烏兔何比舍競相守呼酒徒喧譁甫聞

晚鐘吼早又晨鼓搗光陰不暫住屋角參旗斜願與友
朋約壯志無蹉跎春華不能待婉孌休自誇

角山樓詩鈔

卷九

五

角山樓詩鈔卷九終

角山樓詩鈔卷十

丹徒趙克宜小樓

贈張猗谷

崇蘭

興酣落筆走蛟蚪天賦奇才迥莫儔
鑑古胸懷明似水對人意態冷於秋
名山時蠟花前屐清夜常傾月下甌
舉世悠悠何足傲不妨與物暫沈浮

雨餘溪水到門斜恰好居鄰沈括家
滿榻琴書清有福一時壇坫靜無譁
攀緇敢許同襟抱說項何曾惜齒牙
角山樓詩鈔卷十
最是俚詞勞勘定摩挲老眼辨瑜瑕

園中牡丹盛開感賦

淡雲微雨費滋培賞徧羣芳始見開
不是幾番深醞釀如何結出好樓臺

沈香亭畔露華清芍藥猶聞冒盛名
華貴自饒王者氣那容近侍奪光榮

舊業凋殘悵劫灰家徒四壁漫徘徊
讎言卻憶坡仙句幸有千叢錦作堆

維揚小住結岩龔往事蒼茫付太空三月煙花名勝地
倚闌獨自醉春風

可笑年來逸興賒南柯夢已醒繁華名韞利鎖都拋卻
也看人閒富貴花

豪華自昔數韓江歐碧鞞紅照綺窗絢爛還思返平淡
輕橈到處采蘭苳

簡法石臺

賓鴻又過碧天陞孝直風流最繫思藝苑人爭傳傑句

角山樓詩鈔

卷十

二

家聲我欲溯師資

謂桐軒夫子

瑩如秋水神彌淡冷比寒梅

骨自奇何日攜尊重話舊西窗翦燭漏聲遲

贈楊青谷

嘉樹

嶙峋壯志苦難酬技逞雕蟲不自由投筆從軍懷定遠

曾繪投筆從軍圖

養生有論續莊周

因病習養生術

豪端逸氣凌千古

酒後雄談小九州我欲卜居傍丁卯蒹葭楊柳練塘秋

許渾有憶湖上舊居詩

懷劉厚軒

培元

兼詢近恙

意氣如雲薄太清韓江曾許訂鷗盟春風入座謙光挹
皓月當空雅抱明事屆艱難經濟見命纏磨蝎利名輕
朝來聞說沈疴解佇望重聯舊雨情

贈曲師吳其仁

其仁姑蘇人僑寓清淮善音律遨遊數省名動公
卿性寄嶽所如輒落落寡合昨適值於邗上有慨
其遇贈之以詩

華髮老風塵清謳迴軼倫閒雲蹤莫定野鶴性難馴曾

角山樓詩鈔

卷十

三

作諸侯客仍甘四壁貧春郊欣邂逅諧笑總堪親

豪華都閱徧跌宕少年場入俗仍奇骨扶危有俠腸

急人

之難不避艱險黃金輕一擲白晝泥千觴爲問近時況風情老

更狂

選勝聯高會豪情憶昔年

聞前在鎮郡文醜極盛

賓朋盛簪笏身

世忽烽煙京口曾分袂韓江又放船落花三月暮執手

一漕然

同是沈淪者相逢歎數奇世途多坎軻生性況支離屢

灑他鄉淚徒成感遇詩知音難遽得憐爾欲何之

又贈鄔有生

有生姑蘇人工音律寄寓廣陵

大江南北盡爭迎早歲歌場負盛名格調專家宗雅正

有生能守納書楹舊譜

交游列坐半公卿年當垂老情猶放醉到

如泥律更精

昨飲沛酒數十巨觥醉後辨律尤精

檀板金尊空度日梁塵

隱隱待飛聲

山居雜興

角山樓詩鈔卷十

四

疊巘倚長空疏林接斜堰晨夕判陰晴煙霞紛萬變城
市多囂塵此景奚由見所惜好林亭都被緇流占此輩
慕紛華岑寂非所願視之了無異久住意亦倦天懷苟
不佳勝境豈知戀邱壑在胸中不在郊與甸
潔清品誠貴嚴冷弊亦多澗泉冽且甘上池無能過汲
取試茗薜色香清若何熱中成躁疾一飲皆消磨獨怪
性太寒耽之易生疴相戒勿敢近棄置深巖阿因知處
世者適中毋偏頗溫溫古君子介必濟以和

野花粲以繁春至呈芳蕤山紅復澗碧高下垂猗猗歲
久全其天無人攀一枝只緣素無名舉世多不知桃李
爭綺麗葳蕾折無遺更復入溫房薰蒸開非時精神頓
耗竭來歲嗟枯萎盛名足累身韜晦深山宜

早盛山爲焦蛟龍伏如蟄山田苗欲枯待雨一何急觸
石雲忽起瀾漫四面集樹杪挂飛泉膏流到原隰有時
雲氣湧旋被狂飈吸卷地忽吹散農夫盡快悒始知雲
無心隨風出復入成敗亦何常遭時功乃立

角山樓詩鈔

卷十

五

蠶豆

江南節物最關情蠶市將開豆莢生簇簇花疑攢素練
纍纍實可配朱櫻棟風幾度吹初煖穀雨連番灑更輕
眠起好分垂柳蔭半畦新綠到柴荆

曲折都緣鹿眼籬夕陽斜處影離離栽培恰值求桑候
采擷剛逢獻繭時浴種川邊滋可借繅絲盆裏漉還宜
薦新不比園蔬賤澹泊仍堪助舉卮

評量風味食單鋪清絕登筵色韻殊貯到懿筐青尙嫵

曬來曲箔翠偏腴兔葵端合齊烹釜燕筍還應共入廚
若使馬頭娘欲祀紛紛爭爲薦盤盂
從茲不數蕙肴蒸濃液含來意興增磊砢綠珠攜盃婦
勻圓碧玉饋詩朋種思龍瓜分千顆色粲蛾眉互一棱
細嚼有聲疑食葉問誰下筆最稱能

端午竹枝詞

畫鷁飛鳧盡鬪奇鳴鉦擊鼓復揚旗時人不識湘纍恨
逐隊都來看水嬉

角山樓詩鈔

卷十

六

昔聞翦艾作於菟縣向門前惡可驅此日競編阿堵物
山君威亦借青蚨

剛卯符還共赤靈春蛇秋蚓字摹形更看碎簇菖蒲葉
都向兒童額角青

鍾馗記得伴門丞除夕天衝冷似冰何事而今偏觸熱
石榴紅映髮鬚髻

虺蜴形蹤世所嫌繡絲翻向壁閒黏也如百怪然犀照
不許形容白晝潛

市上家家盡掩門，觥籌交錯笑聲喧。
醉人多更逾春社，日暮扶歸桑柘村。
菹龜烹鷺古風，沿爭及江鄉品物妍。
蠶豆色逾青玉潤，鶯桃光奪紺珠圓。
江雲縹緲度雙峰，何用精金入冶鎔。
一片澄波朗於鏡，倒窺百尺翠芙蓉。

眞州晚泊

遷迤沙洲遠，乘潮鼓櫂過。
賈旗淮鹽密，人語楚聲多。

眞州

角山樓詩鈔

卷十

七

爲鹽艘停泊之所
駕船者多湖廣人，身世悲岐路。
光陰感逝波，落帆聊小

住斜照滿關河。

采石磯

爲國殺賊亦常事，績若虞公實奇異。
當時南宋拒金兵，韓岳張劉居要地。
黃天蕩險遏艨艟，和尚原高禽賊帥。
諸臣戮力濟艱難，偉烈昭彰光傳誌。
虞公侍從儘雍容，班行不列諸將中。
奉命犒師非總戎，便思敵愾難爲功。
況當拔旆投衡智，力窮殘兵宵遁來。
江東一聞鼙鼓摧。

心胸安能化弱爲強嬰敵鋒維公智略何沈雄虛張旗
幟轉戰篷兩岸鼓噪聲震空四山草木戈矛叢虜眾當
之心愈恟長蛇封豕成沙蟲奇哉昨日敗逃卒忽如蓄
銳生軍肆擊衝嗚呼邊患古來有轉敗爲功憑巨手方
今防海思將才安得如公勇略綬羣醜

山光閣捉月亭

謫仙傳志迹分明捉月奇聞太不情對影成三清興寄
擬將邀月易亭名

角山樓詩鈔

卷十

八

舟過彭澤縣

茫茫身世歎飄零路指龍城短櫂經水氣一江連郭白
山光四面入城青別開世界鄰都少如此郊原戶可扃
不爲折腰方解組陶公遺築有餘馨

舟中望廬山

我入湖口界遙見匡廬峰瀑布石梁在指顧層巒疊嶂
摩蒼穹急呼榜人住雙槳一登高阜開心胸豈知匡廬
尙遼遠屏風九疊難遽窺擊汰揚舫更洄湖逶迤曲折

西復東或隱或見幾朝暮丹崖翠巘搖雙瞳推篷飽看
已盡興橫峰側嶺時相逢榜人維舟導我上俗緣未了
心意慵移時竟促解纜去倚窗迴顧殊恩舉手且與
山靈約返櫂定陟青芙蓉不獨斗旁秀可挹日輪直見
扶桑紅

百花洲卽事

百花洲擅南昌一郡之勝暇日與二三知己訪求

古迹寸心有得半律斯成聊述數言以抒管見

角山樓詩鈔

卷十

九

子羽南游舊冢遺緬懷勁節撫殘碑官衙近日紛如市
公事多於往古時

救世初無遺世想南州高士迹堪尋論心幾下陳蕃榻
詎等閒雲戀碧岑

蘇公遺圃傍溪南織屨挑蔬作美談微服空勞丞相訪

高風猶賸灌園庵

宋代空傳講武勤

宋紹興中張澄建
講武亭以習水軍

誰從半壁奏殊勳

匡時自有安民略底事倉皇習水軍

傑閣臨湖構數椽巨源逸興寄林泉園亭繪出詩中畫

風景依稀似輞川

輞川舊有臨湖亭茲以風景相似故襲其亭名

如虹蜿蜒互長隄秋色蒼茫萬柳

隄名

齊露葉煙條任披

拂不堪憔悴夕陽西

水木清華館同人坐話用壁間石刻金檜門韻

小橋緩步度芳塘樓閣玲瓏繞畫牆樹色全將炎旭蔽

湖光化作暮雲涼主賓話久衷懷暢荷芰風來几席香

潑墨淋漓聊遣興難將心迹卜行藏

角山樓詩鈔

卷十

十

舊雨周旋也破顏故鄉何日買舟還病軀相伴惟詩篋

熱淚空彈向劒環古迹無心耽勝賞旅懷有夢到家山

歸途重過金焦畔兩點煙巒擁翠鬟

題鐵柱觀

石上書符鳥篆形

觀有鎮蛟石

更兼鐵柱播聲靈深堂蔽日

神先懾陰穴迴風氣尙腥寬典直同驅虎豹嚴威原不

假雷霆此時吹毒多蛟鱷安得旌陽靖紫溟

滕王閣

騷壇豈乏屠龍手，文人多半傷不偶。仰瞻傑閣重嘷呼，愛才如渴古稀有人謂。王郎意氣豪，我謂閣公識力高。設以黃鐘作瓦缶，神風雖遇亦徒勞。落霞孤鶩去何疾，依舊潮頭送斜日。蒼茫極浦連長天，誰復臨流來浣筆。自古才人遭際難，枕函一卷蠹魚餐。得遇閣公主壇站，筆花未吐心已歡。

彭蠡阻風

涼颿驚儻起，浩浪鼓雷霆。作勢排山岳，飛空混杳冥。帆
角山樓詩鈔 卷十
十一
檣晴失影蛟，蜃晝餘腥急。向舟人語迴，橈泊蓼汀。

泊皖口謁余忠宣公墓

風雲猶爲護祠堂，姓字常爭日月光。守墓曾聞有危素，殉城真不愧睢陽。全家併命完名節，四次陳書重慨慷。太息吾謀適不用，千秋恨比皖江長。

登大觀亭

在余公廟

崔嵬百尺俯寒濤，葭菼蒼蒼釀夕陰。兩岸荒煙迷故壘，一江秋水寫哀音。飄零久作離鄉感，俯仰聊爲倚櫂吟。

滿目蒼涼無限恨萬家井里望中深

夜過揚子橋

樹帶荒村遠雲垂斷岸長
鐙明知近市潮響雜鳴榔
夜靜未停轍烽清仍越鄉
恩恩緣底事人迹踏橋霜

虹橋夕汎

瓜皮艇子自容與打槳中
流夕照餘一片宮商流響遠
滿湖星斗上鐙初中年哀樂都無賴
舊日繁華漸不如

湖上園亭已圯

好向酒旗搖曳處攜尊暫使客懷舒

角山樓詩鈔

卷十

十三

壁山姪邀諸同人賞盆蘭

避暑林扉靜掩柴
幽芳恰好遣幽懷
坐深一室香都化
開向初秋品自佳
著意栽培如子弟
同心臭味憶朋儕
不須九畹滋芳草
對此能教俗慮排

摺扇

剖將淇水竹裝就刻溪藤
藏向囊中慣攜來袖裏曾無
心任舒卷有骨亦峻嶒
秋半猶相握齊紈殊未能

贈楊羨門

槃

先生二首

百城書擁傲公侯藏書極富跌宕名場世寡儔壇坫東南開

一席平生著作擅千秋蝶庵詩賦久刊行世身經家難金沙寄詩

紀夷氛鐵筆適聞道良朋新結契謂馬玉溪學博可能佳句付

庚郵

記會薄植荷栽培拙著賦稟昔蒙訂正一瓣心香定首推得賦閒

居都有福是真名士解憐才龍媒敢詡追蹤易鴛譜應

嗤學繡纔迢遞關山空悵望吟鞭何日復叨陪

謝簡庵連堃明府需次川省別後卻寄

角山樓詩鈔卷十

三

壯行初志遂巫峽歷艱辛風雪三巴路星霜萬里身飛

鳧忘遠道叱馭繼名臣佇聽賢聲播循良軼等倫

憶汎章門擢花洲寄一廬陣雲生倉卒舊雨最纏綿前簡

庵客居西江予舉室至西寄寓百花洲多蒙照拂北府狼烽息西江鷓舫旋後

先歸故里各話再生年

不負平生學公車赴計借文章公論在消息好音乖相

士原多術升庸別有階大挑一等威儀能絕俗特拔邁同儕

一行方作吏巨手闢蠶叢民命須求瘼天心欲借公烹

鮮今日效調鼎異時功政簡應多暇題詩寄便鴻

掛檄行

奉方伯檄委攝陽湖鐸以吾母年高多恙遂決
不之任昔劉彥度有挂檄辭主簿事爰爲挂檄行

毛生捧檄輒然喜升斗差堪奉甘旨賤子捧檄怒然愁
慈親已邁難遠游讀書廿餘載卓犖懷壯猶年當強仕
獲微祿況是蘭陵勝地溪壑幽我豈不欲涉歷豁胸臆
文醜結朋儔使我文章氣節上與前賢侔顧念親羸老

角山樓詩鈔

卷十

十四

承歡侍昏曉欲違膝下理行裝白髮星星惻懷抱欲奉
魚軒入晉陵衰顏跋涉徒滋擾矧自章門避地旋柘蛇
小恙屢縈攪愛日無多喜懼并微官欲赴驚魂悄翩翩
屋上烏返哺能勤劬覲然戴人面詎不如鳥乎挂檄勿
輾轉晚景戀桑榆仕籍策名苦不早名場屢躋愁懷繞
回憶髫齡就試時雙親常望凌雲表雲路迢遙不可期
流光迅速白駒馳椿庭已銜風木悲萱闈復憐筋力衰
偶爾違和雖易治頽齡急景堪憂疑一盤苜蓿嗟何爲

不若扶持抑搔听夕相追隨

皇路馳驅已不遂鍵

戶且誦咳華詩

甲辰七月上澣接奉委札時 母恙乍解聞信促

宜 赴任 宜 口應而心弗忍離故有斯作詎料病退

食少氣血大虧延至十八日遽爾棄養茲檢篋笥

復觀此篇五中崩裂聊綴數言以誌哀慟云爾丙

午六月泣誌

自題角山樓敲詩圖

射陵萬袖
石嵐寫圖

角山樓詩鈔

卷十

十五

榮名非所求壯志久不振學業愧荒蕪詞場敢爭勝顧
念垂髫時耽吟根至性塾課有餘閒濡豪輒題詠書樓
况崔巍一角山光映朝霧薄芸窗夕嵐掩蘿磴明晦景
迭更悠然動吟興伸紙寫幽衷流鶯和清韻固陋不自
知篇章積盈寸不敢擬前賢亦難敵時儔惟期適己意
彷彿明蹊徑有時懷抱佳落想一何迅有時思不屬久
坐疑入定兩義決從違一字爭利病清切到行閒寸心
私自慶如是亦有年稍稍見投贈方期同聲友鼓我學

力進遭遇迫迤遭蒼黃避鋒刃章門復廣陵光陰僅一
瞬長途歷艱辛心緒那可問亦欲爲新詩涉筆苦遲鈍
迴憶角山樓清娛渺難更無聊繪此圖感慨百憂併

角山樓詩鈔

卷十

六

角山樓詩鈔卷十終

角山樓詩鈔卷十一

丹徒趙克宜小樓

送家兄敬敷觀察入都謁選

阿咸幾度判郵亭

前麗川錦堂傑人諸姪各以部郎主政赴選

忽又驅歌此

際聽南北睽違淒別雨弟兄寥落感晨星

書農紫庭兩兄先後謝世

尊開且酌鵝黃酒冠飾還加孔翠翎自是

君親恩

欲報那容卅載枉窮經

繡服羣欽解薦姿陸機入洛定名馳立身清正非關矯

角山樓詩鈔卷十一

與世周旋要合宜作宦敢違求志日退閒須在急流時

田園事業巖廊政家國都煩碩畫施

興化同郭沂叔曾坐語

十年纔一曠重對語離腸佳句侔楊陸清言近老莊熱

心澆酒殘忠告贈河梁一任蚍蜉撼視躬未可忘

東興化余冶亭侍龍刺史

記得清輝棣萼聯

令兄坦庵太守

魯靈光獨仰巍然鄉邦望重

推先達堂構謀深啟後賢

哲嗣宰上蔡

食減已餐三載粥

日餐

薄粥者
三年 談豪常廢五宵眠 朋友棲聚 連夜不倦 忘年結契緣非淺

卻幸追隨許執鞭

風義堪稱一代師都憑道德發光儀林泉早享神仙福

畫像曾畱父老思

曾牧直隸晉州開州 順天通州著有善政

三世荷同親骨

肉 先君暨家兄舍 姪悉蒙厚愛

十年重見古鬢眉

予自壬午一 別迄今十載

恩恩

擬汎姑蘇權

予將効 用蘇垣

再晤還勞訂後期

憶昔行

憶昔煙雲鋪几案蕭齋晨夕足清翫失玉亡金不足嗟

角山樓詩鈔

卷十一

二

可憐翰墨同星散平生嗜好殊無多殘縑斷楮欣按羅

偶向書林購異寶不禁一日三摩挲二三良友知予好

一見殊奇競來告傾囊那惜重資輸縣壁爭看寶光耀

每逢佳日邀賓朋發篋開函共品評漢唐以下競羅列

但覺古色輝檐楹紛紛計日不給賞有時心契神孤往

擬將俗慮盡芟除好坐米家書畫舫海上妖氛卷地來

倉皇出走避凶災牙籤錦軸悉捐棄客中空憶心肝摧

得報平安回故里重檢縹緗無寸紙法書豈是水神求

妙畫疑遭雷電燬畫聖書仙繞夢魂夢中忭觀手還捫
醒來拭目重凝視惟見孤鐙倚壁昏昨朝偶過友人宅
畫幀高懸驚故物傷心烽燹久飄零舊迹重親增拂拭
吁嗟乎前賢寸簡重球琳殘膏賸馥耐研尋但教收貯
得佳士予亦聞之慰素心

錦堂

連標

姪以郡守需次黔陽因病未赴養病

漢陽賦贈

風雲壯志未能舒息羽依然返敝廬欲效涓埃酬素願
角山樓詩鈔卷十一

卷十一

三

爭禁多病類相如

輕裝遠泝漢江邊最好家人共一船到處唱隨畱韻事

秦嘉夫婦總神仙

姪婦
能詩

贈陳子芸

熱腸俠骨迥無儔節槩峻傲九秋從古文章通氣類
一時冠蓋盡交游丰標方羨陳驚座蹇吃殊慚趙倚樓
買櫝韓江勞過訪可能十日爲畱

輿夫吳二因病辭歸詩以送之

嗟汝方中年衰頹一何驟告別來庭前令我百感奏憶
汝來予家汝少予亦幼食力耐困窮擇人明去就卅年
如一日不爲惡習徂良由天性醇非關主恩厚求之士
類中此誼難數邁往歲遭夷氛西江遠避寇患難相追
隨辛勤宵復晝不因常變更見理實深透今春二豎攪
肌骨漸羸瘦免役令節勞延醫代鍼灸而汝強支撐奔
走尙恐後遷延閱半載膏肓勢難救力疾拜我前苦道
恐不壽所幸子長成正當年力富子亦服
役予家危軀且葺閒
角山樓詩鈔卷十一

四

弱息乞念舊我聞頻慰藉人善天必佑汝體獲安康來
歲再相覲語罷淚交流掩面沾袍裏出門一悵望浮雲
隔巖岫

臘八粥

樂境安疏水家風守粥餽餘三逢富歲臘八啟芳筵預
向瑤街市齊供土銼煎驅邪須赤豆養胃重紅蓮菜已
龍鬚集葶還雉尾拳木蛾含細潤土踊綴聯翩色羨來
其潔形呈特乃堅慈姑方佐饌菌妾共爭妍玉版禪師

古靈莖博士賢棗收羊角膩芡剝雁頭鮮的爍邀平仲
晶瑩挹倒仙溫菘甘似乳肥棗大於拳聶切金刀試烹
調翠釜然香先盈斗室味不藉加籩會食兒童聚深情
益友延一盃供飽啖八蜡溯遺編典自周官昉儀從戴
記傳勞農循縣鄙薦寢奉栝捲號本嘉平古名還奕世
沿漢家靈戊紀魏氏吉辰宣面藥唐尤重脂花候不愆
礫雞除戾氣畫虎豔蠻箋鶩兔祈餘澤闌豬奉吉蠲寵
頒羊可取竈祀犬堪牽製字原同獵徵名豈近禪如何

角山樓詩鈔

卷十一

五

天竺俗競說佛光圓募化紛閭里喧囂溷市塵文鏡齊
振奮毳衲曳褊褰侈口祇園奉深心欲壑填烏香囊底
貯赤仄杖頭縣卻笑優婆塞偏多富資緣華嚴誇淨土
兜率說諸天白擲麻姑米青投姪女錢鐸鈴憑妙舌筐
篋壓香肩捧到精藍內堆來律座前淨瓶輸德水法炬
靄祥煙梵吹先伸敬幽龕特告虔眾香開宴集膜拜善
周旋檀越縱橫坐花姑次第聯醞酬堪灌頂饜飮欲流
涎別有鴻慈苦誰深菜色憐雪封窟士巷冰阻太行巔

卻向豪門饋惟圖寶帶捐伊蒲矜盛饌善果認真詮笑
我安儒素隨時樂靜便屑榆懷往哲乞米憶儒先例偶
齋廚仿心惟古義研雙弓香可挹四塊畫無偏蔬筍堪
供饌餽飽足永年謳歌還鼓腹竊效飴香篇

風帽

但將緇撮飭微躬出郭難禁廣莫風徧覆形原承露異
高凌勢與切雲同製堪舒斂工彌巧數到增加體益崇
領下還資絲帶繫何虞吹落小庭中

角山樓詩鈔

卷十一

六

棉簾

卻寒何必羨同昌翠幙惟將吉貝裝厚重由來消外侮
溫和況是結中藏鳴鑪香篆勞遮護羊角狂颿任簸揚
最是下帷勤夜課紅鐙閃閃蘊清光

氈韞

羅帛千重亞歲呈何如毳褐製尤精著來狨座餘溫襲
襯向烏鞞薄煖生抱膝不虞寒料峭吹毛始信體晶瑩
莫嫌拆線才微細多少柔豪組織成

蘆鞵

蘆花被體慨先賢
屣裝成製倍堅曲
徑閒行饒逸致
中央宛在憶前緣
迹深不畏青霜冷
踵洩還看白雪妍
卻笑筍鞵供隱士
寒生足下劇堪憐

鼻煙

鼻飲芳醴傾鼻選
甘瓜列小品更清奇
輕煙振芳烈製
作本西人清虛傳
祕設瑤草采雲巖
瓊英探石穴調資
艾蒨香潤藉甘泉
泐挹注入晶瓶霏
微蘊瓊屑每當沈

角山樓詩鈔

卷十一

七

飲酣或際妍詞綴
玉盞乍輕拈牙籤
試搜技幽馥軼元
霜澄芬逾絳雪煙
無篆縷颺味復酸
醎別透頂頓靈通
沃心自瑩潔氣同
薑桂辛灌勝醞翻
熱細縕百竅開噓
吸全神徹煖已透
胸膺曠不資喉舌
況復朋簪盈偶將
珠蓋揭芹獻致殷
勲蘭臭互怡悅牙
慧羞順從心香自
凝結祛寒固盎然
解暑亦清絕效勝
淡巴然氣軼香茗
啜煙火謝人閒襟
懷益澄澈

春鐙四詠

老人鏡

休嫌頭腦太冬烘頓覺蒼顏已返童定是極星天際降
居然藜火閣邊融惟憐病僂恆低首不是謙卑也鞠躬
年少莫輕嗤老輩熱腸畢竟讓皤翁

宰官鏡

紙糊閣老匪虛言簪笏居然氣象尊若論形容原傀儡
慣從暮夜到庭軒薰心已覺炎威赫炙手偏餘烈燄存
待到更深殘燼落昭昭一霎又昏昏

角山樓詩鈔

卷十一

八

書生鏡

青釭有味記兒時又見澄輝照綺帷自是虛心深蘊蓄
休嘲枵腹盛容儀明能燭物清才抱熱不因人介節持
一脈薪傳原不昧非徒蓮炬荷榮施

美人鏡

昏黃又是夕陽頽半靨香肩俯鏡臺薄命生來原似紙
芳心然盡未成灰淒清宛向蛻脂泣鬧熱曾經鳳輦陪
一縷情絲還脈脈銀花剛對綺筵開

讀漢書

留侯輔漢皇始終膺福祉人謂智計周不與淮陰比詎
知鍾室禍實自留侯起淮陰下三齊遣使報天子偉績
冠羣僚策勳有常理咄哉躡足謀危言等讒毀封信賴
斯言忌信從此始

人主惜笑嚔愛憎無可苟如何孽子生宮門署堯母江
充本小人眈眈伺左右讒慝起無端青宮薶木偶甲兵
卽不興危疑亦難久所以古聖賢命名必慮後兄仇弟

角山樓詩鈔

卷十一

九

成師片言乃亂首

巍巍麟閣名首推博陸侯廢立容可議難與阿衡侔昌
邑縱失道苛政未紛揉不聞諫書獻遽興易位謀當其
建議時黷佩森戈矛千秋獨按劒百爾皆垂頭親臣盡
誅戮諫輔猶繫囚貽謀旣不臧赤族非無由

吁嗟王政君符璽遭迫脅慟哭向新宮蕭條守漢臘志
節非不嘉大姦誰引納儻當孝哀初恪遵先帝法親賢
共贊襄外戚勿關涉上下自均安皇猷詎衰颯柰何私

竟萌兒子獨超躡天潢任翦除斧屐竟居攝卓哉宋高
曹弟昆不輕接

憶焦巖梅花

記得山深氣候寒一枝斜倚夕陽殘瓜廬我已經年別
蕭寺誰同此日看月影料應移石壁雪痕略記在沙灘
何當載酒尋春去雲水光中倚曲闌

東友

聆君瑤華音知君識力足論必開生面取徑嫌就熟予

角山樓詩鈔

卷十一

十

更贅一辭眞詩賢婉篤情許千人同語惟一人獨淡極
情益眞萬古仰芳躅咄哉隱怪流主奴徒紛逐大道舍
不由蠶叢甘局促詩教本溫柔悲愉寫心曲何須弓闢
塗驅車入窟谷時流或醉心大雅徒捧腹君識素清超
君詩自靜穆一得效芻蕘慎勿厭煩瀆

同人游招隱寺分詠古迹

煙霞泉石寄幽情此地猶傳處士名偶託瑤琴寫心志
詎將野服易簪纓荒庵日暮疏鐘遠絕磴雲深古樹橫

欲語當年高隱趣黃鸝時送隔牆聲

戴公宅

風度文饒迥出塵林泉歌嘯性情真瑤花天下無雙樹
相業中興第一人朋黨由來傾正士榮枯何處問前因

斷碑拂拭重吟諷舊賞新歡感慨頻

玉藥花

與友人論宣鑑因作長歌

宣鑑高下不易辨須從鑑色分深淺假色外炫光不沈
眞色內融久益顯有明宣廟正隆平海寓蒼生樂清宴
宮闈不矜服御華鑑燁卻極陶鎔善或云內藏焚美玉

角山樓詩鈔

卷十一

十一

精鑪一色溷或云佛殿焚金仙寶相光難泯裏蹏麟趾
煥英華異采奇輝自充滿不知精銅豈藉雜寶投鍛鍊
祇憑妙手展我聞宣廟命工人金火先鎔十二轉鎔作
長條置鐵篩眞精下滴露光炫寶鑑鑄就光氣騰不數
宋絲與紀甌彝乳花邊推上乘橘囊象鼻皆精選質惟
闇淡絕紛華色自精瑩超鑿銑由來妙畫與眞詩不賈
繁穠賢清簡邯鄲學步何紛紜南蔡北施成製讓實非
清液之精純色尙燒斑益浮誕更有庸妄流鑑衡無巨

眼翻取當年呈樣鑪鑿空嵌將他器款以偽溷真猶世
情以真作偽何乖舛如君卓識邁羣倫較短絜長自平
允

角山樓詩鈔

卷十一

十一

角山樓詩鈔卷十一終

角山樓詩鈔卷十二

丹徒趙克宜小樓

攝鐸梁溪畱別同人

小園安穩侍潘輿挂檄曾將志願摠

前委署陽湖學因
侍母疾曾課挂檄

行弗弗飄風偏稟列恩恩歲序已禪除鮮民無意貪微

祿大吏循資降辟書何處問親空展墓蕭穆松柏鬱荒

墟

已慚心性太愚癡況是頻年迫禍危南海烽煙來曠息

角山樓詩鈔

卷十二

一

西江浦激暫棲遲一家眷屬孤檣倚千里風霜敝履知

回首萍飄蹤不定劇憐歲月暗中移

卅年詞賦愧雕蟲洗鍊何時洽素衷滄海可游防斷港

神山欲到又回風災貽黎棗編空緝法溯津梁技未工

此去敢將師道任且借益友共磨礪

梁溪山水擅清幽多士由來志行優槐市衣冠知不俗

苔岑臭味定相投惠峰擬對新圖畫春塢難忘舊侶儔

別後如何慰離索詩筒頻教付庚郵

梁溪雜詩

厯山記得往于田誰說西吳有陌阡象鳥耕耘人盡慕
不妨到處事爭傳

青宮采藥遜蠻荒三讓高風溯讓王何事爭端因讓啟
王僚遺塚冷斜陽

鴨城迢遞復麋城銷夏餘閒駐旆旌金粉遺蹤何處覓
西施莊畔草縱橫

祖龍轍繞錫山西萬鍾曾聞掘石堤怪殺東南厭王氣
角山樓詩鈔

卷十二

二

獨畱芒碭與雲齊

滅竈更炊氣自揚靈祠萬古薦馨香來游不乏閨中秀
舉案何人似孟光

流觴遺韻尙堪思曲水亭前九曲漪不識當年蘇子美
攜壺偏訪右軍池

寂寞膠山賸廢園泉流雪竇響潺湲蕭公往事誰稽考
卻說商賢舊址存

夕陽渡口汎輕艫激濫波通五瀉湖皮陸清吟誰嗣響

空餘溪鳥喚提壺

賸水殘山半壁攬猶傳輦道徧郵程李公祠宇巍然在
悵望千秋百感生

雲漿一甕寄吟壇好爲君謨潤筆端藝苑至今傳故事
拈豪先試小龍團

循王勳業儘堪傳獄助風波罪莫湔久鑄烏金岳墳畔
此間爭怪發荒阡

五牧遺阡溯蓋臣寒煙衰草走青燐赭衣仗劍非荒誕

角山樓詩鈔

卷十二

三

正氣長畱不死身

冥福潛祈九四郎縣鐙卻說爲睢陽至今秋夕竿頭望

萬點猶生徹夜光

相傳明初吳人思張士誠於七夕
縣鐙爲資冥福詭言祀張睢陽

勝槩崢嶸據上游朝煙苒靄檻邊浮泉標第二流傳久

還築溪山第一樓

雲林清閼足閒居梅里來尋舊草廬到此如披殘畫臺

幾株黃葉夕陽疏

碧山社裏互賡酬點易臺中更講求往哲芳蹤堪歷數

風流道學共千秋

淪漪煖溜送蒲帆地軸天關景不凡況是芙蓉湖面濶
清芬和霧襲征衫

西門艇子擲輕梭滿嵌玻璃映碧波剛到夕陽都繫纜
醬園浜裏按歌多

鄉民敬佛意堅牢勝會偏宜梵夾操一點癡心勤跪拜
逢橋都聽誦聲高

拜香者每遇橋梁必持梵經高誦

秋來菱芡鬪芳鮮采向鵝湖色味全一寸鍼魚尤擅絕

角山樓詩鈔

卷十二

四

好偕紫蟹入華筵

到得河流九箭通定看珂里出三公眼前自足饒清賞

尺八斜橋碧蔭籠

每因風景助清吟山色湖光劇慙心老我不禁動鄉思

金焦兩點峙江濶

謁高忠憲公止水祠

明高忠憲公以璫禍牽邑人祠公於止水止水故

公沈淵地也森巖廟貌歷久如新過之者莫不徘徊

徊瞻眺猶慨想其忠貞焉

委鬼當頭茄花紫凶燄炎炎燭天起朝政紛然屬厥公
一時梁棟俱傾圮公生適際百六時碩畫英謀何所施
驕陽已受羣陰蔽大廈原非一木支濟川舟楫苦無用
退老名山習絃誦止水名軒豈有他清操欲與諸生共
琴書滿架供婆娑矯詔無端布網羅抱石自明身不辱
一泓止水生風波思陵繼統乾綱振除惡過於迅雷迅
貂璫雖戮國脈傷宗社淪亡纔一瞬知公在天餘怨恫
角山樓詩鈔

卷十二

五

巍巍祠宇耿孤忠至今過客同瞻拜清流謾謾生清風

東林懷古

有序

東林書院亦名龜山書院宋楊文靖學於河洛而
歸伊川目送之曰吾道南矣至無錫畱居十有八
年從學者卽城東隅爲東林書院文靖歿爲立道
南祠尋亦與院俱廢明萬厯閒顧端文始構之高
忠憲繼其事遠近學者咸以東林爲歸及魏闈竊
柄鈞黨禍作詔毀天下書院而東林爲首圻毀淨

盡我

朝復行建立睢州湯文正撫吳時謁道南祠以願高
二公從祀規模始大備焉丁未歲予秉鐸是邦服
與生徒會講於茲因盱衡往事爲賦此詩

吾黨列儒林志行賢純固高顧兩先生粹精本天賦講
堂沿龜山私淑誌傾慕兩賢樹楷模遐邇盡攀附如何
道學明偏觸愴壬怒逆璫讐正人黨禍竟流布諸臣迫
禍殃書院亦傾仆自來國興亡大半因黨錮漢末禁黨
角山樓詩鈔

卷十二

六

人黃巾蹙國步唐季投清流遂至隕李侂宋代立黨碑
未幾迫南渡至明乃益甚理學幟競樹天下徧立社東
林名最著羣小咸側目正士遂遭捕國社旋已墟聚鐵
錯難鑄堂堂歐公論人主惜不悟

墨牀

元默合清德幽光世所宗磨研曾幾度休息此潛蹤
趣伴眠琴永香參睡鴨濃黑甜鄉自好涵養任從容

筆格

翡翠牀何麗琉璃管最遁投非同定遠閣漫比鍾絲昨
夢生花豔渾疑壓架稠醒來更揮翰一片墨雲浮

研匣

曾是幽巖韞還教祕匣藏雲腴深醞釀霧氣鬱芬芳包
映紅絲細名教紫館揚雪方池乍啟棗玉蕩清光

水盂

製就蟾蜍樣氤氳玉液凝清華金小相高古水中丞挹
注機無滯圓方理可徵莫輕涓滴量濡染裔雲騰

角山樓詩鈔

卷十二

七

界尺

楷式何由定惟憑玉尺擎持躬先正靜度物自均平不
使豪釐謬居然軌範呈由來功業著司直播芳名

裁刀

賴有刁書吏裁量出整齊縱橫資剖析頃刻判町畦藝
苑英鋒試文壇利刃攜削原傳築氏製合考工稽

印規

鳥篆螭文麗須防一線敲東西嚴界畫杪忽絕參差批

向從繩悟功從絜矩推心還如印印持正見清規

書檢

已藉金甬護還須玉檢標幾行排次第萬軸共宣昭到
眼鴻名震當頭燕尾飄待將書目輯寶氣晃雲霄

哀哉稽生行

生無錫人名文祐字笑黃文恭公之孫

噫吁噫英雄落魄乃如此昔何豐厚今何否人生富貴
浮雲耳緼袍不恥古君子稽生自幼席豪華生長鐘鳴

鼎食家韋平相業畱餘澤簪纓累葉擅清華

生曾祖暨祖先後爲

角山樓詩鈔

卷十二

八

相國父官提舉

少年卓犖多豪趣壺觴跌宕深情露毋戰常教

狎客輸清歌屢被佳人顧檀板金尊曾幾時敝衣破帽

苦難支冀缺閨中有賢婦鄧攸膝下無佳兒側身立地

地嫌窄搔首問天天不知經歷坎坷向誰訴付與奚囊

一卷詩我思造物使爾窳愁豈無意梁溪山水多奇致

深巖絕壑要新詩故遣名流居勝地否則怪爾詩多不

平鳴鈞深索隱窳物情察及淵魚鬼神忌坐令終身坎

壞無榮名我來訪君錫水濱相與過從朝夕親第宅曷

姓徒悲辛寄春廡下飢鷹馴

屋售他姓仍寓其廡下

艱屯累向席

前陳令我聞之百感新自顧同爲落寞身故園荒廢多
荆榛道途僕僕走風塵憂思鬱結何由伸翻爲稽生勗
諄諄士賈立志能安貧豐城劍氣難久湮彼此慰藉空
頻頻兩情契合無主賓酬以新詩寒蠶呻噫吁噦有酒
不飲孤良辰人生奚論利達與遭迤

毘陵竹枝詞

有序

送郡試赴常州有爲予述毘陵風土者綴拾成篇

角山樓詩鈔

卷十二

九

以紀其事

到處鄉村紡績諳抽將吉貝勝吳蠶單衫好趁良辰製

薺菜花開三月三

諺云三月三薺菜花單布衫

西瀛一帶碧溪通市舶紛紜繞綺櫳百尺飛竿臺畔插

采霞高曳半天紅

西瀛旁染坊甚多曬臺綾帛燦若紅霞

春來資斗茁蘭牙一片清芬儘足誇偏是閨中矜翦采

鬢邊五色壓絨花

藏庫輝煌采色新爭將阿堵獻良辰催科卻是陰曹易

一路朝山納稅人

每逢佳節競扮小神扛擡冥鏹
朝山焚於神霄寶殿名曰納稅

社公祠畔互招要箏笛悠揚逸韻飄九節燭龍標勝景

游人豔說滿池菱

社日行龍鑿其簇鏹
之佳者俗名滿池菱

歡場別趣鬪新奇舞到狻猊逞異姿底事裝成皆俠少

本來樂此不爲疲

好事者常舞
獅子爲戲

繁華自古易銷沈誰識池臺深復深欲向青山尋別業

沙禽歷亂噪寒林

京江相國孫曾
建青山莊於此

園蔬餽自野人廬玉筍朱櫻味有餘見說豪門誇宴集

角山樓詩鈔

卷十二

十

金錢十萬買鱒魚

潺湲水繞放生潭避暑偏宜策杖探十里蓮花香馥郁

禪機好向靜中參

織女橋西翠輦翩牛郎廟裏瓣香然蓮鐙更向清溪放

不結仙緣結鬼緣

玉管吹餘霽色開一泓碧水浸樓臺秋鐙還續春鐙謎

好向人叢逞逸才

太平古寺肅觀瞻幾輩登高上塔尖一客一錢霽利益

好添鈴鐸挂層檐

年年報賽趁新醅竹颺花豬綺席堆掠鬢神巫添喜色
醺然又赴蜡筵來

臺閣轟傳報賽時八人齊舉壯威儀尋常演慣金元劇

局面翻新分外奇

每用八人扛一棹上扮金元院本故事名曰臺閣

雲車高聳入青雲往哲當年建異勳畱與昇平添麗景

淺空紫翠燦繽紛

相傳隋司徒陳杲仁守城創用雲車厥後賽神皆仿其意每人肩上縛一

架上立二小孩裝成故事凡十六架

角山樓詩鈔

卷十二

十一

荏苒流光逼歲除錢穿百索繫青裾故鄉風景偏枵觸
今夕兒童樂有餘

龍舟競渡歌

玉簫金管聲清脆羽葆珠幢互連綴八字橋前逐隊來
雲影波痕助奇麗毘陵本是六龍城六龍洞開百貨盈
百貨豐盈齊報賽也學髹船弔屈平鳴鉦伐鼓舵工喜
迎取龍身出潭水龍頭更向神祠迎神貺赫然驚里耳
羣龍銜尾勢聯翩金色輝煌獨占先淡白濃青分大小

各依方色非徒然中有一龍更奇絕五光十色競羅列
瑩煌萬點燦花鐙絡索千條縣采纈棹槳飛竿利且輕
衝波擊汰縱復橫回旋更趁水寬處卻有畫樓撲面迎
畫樓縹緲懸珠幌小隊吳伶態疏朗樓上船中齊踏歌
逸韻隨風自來往逸韻未終忽放標爭先鬪捷翠旗招
錦標偏入髯翁手矍鑠臨風意氣豪

角山樓詩鈔

卷十二

十三

角山樓詩鈔卷十三

丹徒趙克宜小樓

江陰武場校馬射歌

畫鼓鼙鼙聲徹天一騎飛來耀錦韉
電掣星流快騰駛
井儀剡注復參連前向梁溪觀試箭
穹楊幾輩精能擅
今看嫺熟更多才
且免干城於此見
自來文武道相通
矯矯虎臣來泮宮
射延矍相垂明訓
根柢躬脩見實功
後王立制何乖舛
別祀武成違舊典
十哲紛紜更不倫

角山樓詩鈔卷十三

一

忠貞詐力渾無辨我朝法制最精良
武生一體隸膠

庠澤宮習射本成憲與舞和容禮教彰
侍郎識鑑更精

絕

謂李楠
堂學使

騏驥駑駘善甄別今從射圃拔英材
早爲巖

疆儲俊傑

君山望江歌

吾鄉海門氣象雄
金焦屹立滄波中
此山海門東復東
俯瞰鯤壑來飛灑
翠煙廳古煙痕籠
心遠亭子何高崇
眞武殿宇尤穹窿
翬飛鳥革疑鬼工
我來適際煙雨濛

海氣黯黹無清風鸞帆蜃市紛青紅金旂翠葆搖沖澗
明珠捧出馮夷宮百尺光芒如采虹雲鬢霧鬢兼風驟
靈迹俶詭不可窳須臾旭采開巖櫳清輝混瀆高低同
東望咫尺神山通方壺圓嶠堆玲瓏吁嗟乎人生局促
可憐蟲功名富資浮雲空何似逍遙任素衷還丹祕訣
詢青童揭來乘興支短筇百谷三門觀朝宗君不見春
申仕楚矜奇功一聞詭計貪心蒙飛災突起遭內訌赫
赫相業無令終又不見楊王起自田舍翁耀兵山下排
角山樓詩鈔卷十三
二

磨銅

閩典史祠

天兵百萬來江東列岳輸誠趨下風百折不回惟閩公
公任何官典史耳況是量移將去此寓公匿迹亦何恥
公有至性殊常倫昔禦小寇猶忘身今遭國變肯逡巡
君臣大義在天壤新尉況乃相倚仗一騎迎來萬民仰

知勇兼備籌畫詳勸輸粟菽充餼糧繕治樓櫓嚴隄防
部署未終圍已合大礮擊城城傾塌空棺巨石計周而
北城急攻勢更危人運一石力不疲須臾堅壘高如坻
城中健兒苦矢少束橐爲人列城堡鼓聲纔終矢可抱
入營縱火煙塵飛寡能敵眾通神機車輪亦避螳斧威
螳斧當車究何益紅光一縷沖堅壁百雉墜頽地洞若
縱橫巷戰夷傷多碧血倒流成濁河英光炯炯凌羲娥
投湖不沈卒被縛脛貫鈇鋒神自若忠魂縹緲翔寥廓

角山樓詩鈔

卷十三

三

城中被縛六萬人感公忠誠甘苦辛無一背義爲降民
勸降非無廣昌伯呼公與語何刺刺一聞公言面發赤
惟伯立朝實重臣偷生畏死忘君親倒戈翻詔戰功新
吁嗟乎將相大臣盡回適仁人志士居微秩亡國之徵
此其一

第二泉歌

九龍夭矯盤蒼岑之而鱗甲森千尋醞釀菁華萃龍窟
琳腴石髓穿雲林道人翫玉善防護方池的灩波疑注

深潛料是通雲淵激激分明濺甘露連日正值驕陽天
流金鑠石火雲煎一嚙瓊漿溽暑釋風生兩腋如飛仙
軍持遠取勞僮使閒檢椽經與水記風流不獨懷昔賢
徘徊頓覺縈鄉思吾鄉最數南零泉盛名久占茲泉先
穴深潛蘊大江底欲嘗靈液空垂涎城中紫金山下路
第二泉碑松雪署昔曾煑茗心懷疑今來酌水益知誤
伊誰權貴勢絕倫品泉謂過張又新數百年來舊名迹
公然移載車麟麟紫金泉在潤城大市紫金山下山址與泉今皆圍入民居而子昂公所題
角山樓詩鈔卷十三
四
天下第二泉石刻尙在市壁相傳吾郡有勢家子好事
者飲此泉而甘之謂惠泉不及遂自惠山遷石於此惜
無人移實至名歸難假藉不待品題重聲價泉流近市
還故處無人知挈瓶依舊趨僧舍

惠山竹枝詞

天目山高高插天天龍天矯斷還連九回起伏勢彌健
幻作崇山見紫煙

崢嶸古廟祀睢陽南許勳名共頡頏更學烏金鑄奸佞

賀蘭長此跪堂皇

睢陽廟屋宇壯麗甲於他郡堂下有鐵鑄賀蘭跪像

赫濯神威道籙詳能教東嶽祀南方年年少婦甘辛苦

拋卻機梭約坐莊

三月二十八日相約守廟名曰坐莊

漪瀾堂下水潺湲石洞飛升舊址存爲問若冰仙迹杳

靈光何日返祇園

三賢祠改眾賢祠百世烝嘗鉅典垂就裏等差原不一

公非公是里人知

長街五里劇清幽士女傾城結伴游怪底行人驀回首

春光多占誦芬樓

角山樓詩鈔

卷十三

五

幾坏青冢倚荒墟節近清明拜掃餘不識誰家小兒女

綠楊陰裏泊船初

龍光一塔峙蒼穹從此科名運倍通象教未來華夏日

不知何物主文風

比邱精舍絕氛囂坐破蒲團耐寂寥雙鶴休來檐外舞

塵心已逐篆煙消

洞壑幽深景物妍烹來靈液色澄鮮中冷久閱澄潭下

此卽人間第一泉

襟語因緣記梵宮竹鑪舊製最精工松濤響徹煙痕漾
化作湘雲蕩晚風

惠山竹鑪鑪明初聽松庵僧性海所製

華筵佳釀播芬芳滿酌金甌子細嘗家有百花堪薄醉
醇醲偏說惠山香

泉名羅漢傍山區仙液偏宜洗碧壚閱世分明人所忌

何妨雙眼任模糊

羅漢泉水俗傳明目

春蔬次第擅清妍更愛蠶時豆莢鮮纔到新秋果先熟

一林菓子大於拳

山中蠶豆及桂花菓子俱極香美

角山樓詩鈔卷十三

六

玉屑銀泥屬屢餘攜將餽餌飼金魚游鱗生長名泉畔
也自親人意態舒

園林麗景鬪芳菲香白嬌紅繞四圍春盡不愁花事了

熒煌金粟豔秋暉

錦文珠玉市廛排迤邐行來秀嶂街到此都忘闌闊俗

名流翰墨最關懷

好從埽埴悟胚渾捏就神靈氣象尊何事海邊虜氛靖

鬼形猶自幻游魂

市彌泥孩有捏作洋鬼像者

靈根淨植徧幽蹊
嚮街頭價不低
黃土也同奇
貨售吳舸滿載種花泥

龍舟競渡繞芳津
翠葆金支點綴新
此日錦標是花鴨
奪來一樣炫游人

樓臺偏是北塘多
占盡人閒錦繡窩
萬點燈光翻水底

繁星璀璨繞銀河

北塘街市晚鏡一望無際名曰北塘鏡火爲無錫八景之一

搜羅風景作詩材
譎陋難將眾妙該
何日山靈重訂約

憑高飽看五湖來

角山樓詩鈔

卷十三

七

寄懷黃春山

純源

良朋異地結苔岑
杯酒言歡慙素心
前赴毘陵常荷招飲方恨半

生知己少最難一
見寄情深君真吏
隱容高躅我愧巴

人遇賞音回首蘭陵雲
樹杳錫山高處獨登臨

卸篆偶成

藥鑪經卷東行賸
檢點篋箱記舊曾
半載青氈渾未煖

心情又似打包僧

溪巒是處足句留
勝境翻思鎮日游
第二名泉聊汲取

一泓雲液載歸舟

選授臨滁學博有作

林泉小住愛蕪城爲了浮名又此行署冷敢言無一事
才疏何以勗諸生藉盤已覺如今慣棠邑應深詠古情
秋賦記曾頻倚櫂晉王山畔月輪明
持教梁溪抱愧曾江城今更檄書徵還鄉旋作登程客
退院重爲主講僧敢道經師標正軌聊從勝地結良朋
環滁不乏岡巒秀定有英豪識量宏

角山樓詩鈔

卷十三

八

醃菜

沆露擢菰蔣懷風滋苜蓿佐饌盡嘉蔬禦冬惟旨蓄地
酬園爰勞天付幽人祿繁衍徧畦町芊絲互林谷結體
旣脩長賦性更清淑雪壓轉肥饒霜欺益紛郁老圃預
綉繆寒齋先聚畜刈割試刀鎌收藏擬種桂宿垢賢消
融新泉幾洶漉除殘敗葉刪噓煖驕陽曝縱橫盈瓦甌
庇覆藉茅屋撒鹽紛玉華升香加木叔翠葉互糾紛碧
莖疊繁複氣已飽風霜蘊更資信宿烹煉力無庸漸漬

功自熟相須在相養資久不覺速按候登盤盂供饗代
殺藪入口譜宮商震齒流寒馥味縱逸羔豚品可參葵
菽莫笑翰林齋曾助范公粥

待雪

雲痕朦朧徹層霄颯颯寒威入綺寥玉屑未零深醞釀
金風相逼更颼颼青琴曲擬新歌奏白戰詩先勝友邀
最是三農尤望澤祈年預計瑞花飄

聽雪

角山樓詩鈔

卷十三

九

寒天消息透軒楹入耳偏驚逸韻輕皓鶴飛來剛振響
玉龍戰罷更揚聲爬沙競向樓頭撲淅瀝還從屋角傾
嚇嚇早聞田父笑遙知鼓腹寄歡情

掃雪

瓊瑤璀璨透蓬廬何事朝來盡滌除石徑欲延嘉客至
玉塵先命小僮祛掃花翻憶暄妍候聚米還如刈穫餘
博得兒童添樂事裝成白澤勢容與

臥雪

不隨塵世漫逢迎，小院淒涼一枕橫。
魄濯冰壺添皎潔，身依玉鑑倍空明。
天花散罷神彌定，冷絮飛殘夢亦清。
自分千人非善策，何妨僵臥效袁生。

踏雪

水村山郭盡瑤街，緩步翻憐景色佳。
半載鴻泥思舊事，何人驢背寄吟懷。
支持傲骨惟筇杖，寥落行蹤付筢鞋。
世路險夷原一視，不妨攬勝上幽崖。

煮雪

角山樓詩鈔

卷十三

十

疏水由來自奉廉，冷如冰雪亦何嫌。
紛煩欲藉雲英滌，烹鍊還將火候添。
氣到清虛香益永，質緣淡泊味尤甜。
豪門豔說羊羔酒，何似瓊漿意趣恬。

雪美人

慣從寒夜見精神，姑射仙姿迥出塵。
心性由來甘冷淡，陽臺何必更相親。

亭亭玉立倚林隈，皎潔剛逢霽色開。
瀟灑丰姿洵絕俗，可能詠絮擅清才。

送敬敷家兄赴川南觀察作

憶昔先君子雲司效贊襄
翮離深眷戀天驥未騰驥賴
爾長才展承家令譽揚矢勤兼矢慎一路仰清光

島嶼起飛煙奇謀善幹旋上游資贊畫卓識達經權

壬寅

歲隨同但都轉在揚防堵嘆夷

今值承平際尤需德澤宣六條勤問事

功業邁前賢

巴蜀古名都岡巒勢鬱紆雄關饒險峻沃壤擅膏腴德
裕籌邊急王尊叱馭驅名臣勳業在繼起望宏模

角山樓詩鈔

卷十三

十一

小子素庸懦微員忝校官鹿蕉春夢覺蠹簡夜鐙寒鏤
雪勞心力淩雲怯羽翰訓言頻寄我注目盼江干

去歲歸自梁溪以惠泉水分餉諸好張猗谷明

經用東坡求焦千之惠山泉韻賦贈仍次原

韻答之

中冷鑿偽泉識者堪捧腹宦游品惠水駕言別邦族上
下兩方池清澄自淳蓄又新去千載高風渺難續瞻言
懷我友嘯詠偕琴筑惟虞舌本強幾令眉頭蹙名泉特

分貽討論不厭瀆我聞錫味甘山舊出錫故味甘語載縣志九龍舍

黛綠惠山亦名九龍山潤等淵藏珠輝比山韞玉嗟彼愚俗人

風塵徒僕僕亦解附盛名鬪茗寒波掬畢竟解真知肆

口誇芳馥憐予滿載歸聊贈知交熟安得常置遞更裝

舟百斛

角山樓詩鈔卷十三



此百... 風... 角山樓詩鈔卷十三終

角山樓詩鈔卷十四

丹徒趙克宜小樓

陪家子舟楫觀察師暨張星白錫庚京兆平山

堂遠眺

強扶孱怯共登臺抱恙小愈南望鄉關易觸哀白日自憐流

矢急青山肯為渡江來師資卓立臻初境戚誼重聯仰

偉材星白為錦堂姪之妻舅而錦堂長女又為星白子媳我比閒雲聊出岫深巖

峻鶴漫相猜時將往蘇領憑赴任

角山樓詩鈔卷十四

汎櫂金閭

碧漲彎環景象幽臨流隨處泊行舟斷雲不隔林中寺

新月偏明水上樓欸乃歌聲姓更脆喧囂人語夜無休

彈琴誰繼司空調賸有潺湲逸韻畱

洛社阻風口占

推移無力柰愁何卻羨來船急若梭莫怪世途多阻滯

順風時少逆風多

舟中卽景

一葉輕舟繞鶴汀
潞涸煖溜達郊垌
樹含微雨添新綠
山帶濃煙送晚青
粉蝶尋香花欲舞
銀魚吹沫浪初腥
風光無限吟偏少
卻喜漁歌隔浦聽

天平山謁范文正公墓

起家懷朱邑
圖形祀陸雲
況儕伊傅列
夙著廟堂勳
至性兼仁智
淵衷契典墳
醫良期壽世
齋斷早揚芬
憂樂關懷切
人情曲體殷
鈞衡方翊贊
宵旰矢勤懇
十事匡王國
三邊戴聖君
華夷欽德望
遐邇賴敷賁
天使精忠角
山樓詩鈔卷十四
二
顯朝驚羽檄
聞西羌餘小醜
東向煽妖氛
列辟空尸位
元臣獨領軍
陰風森壘賚
夜走輓轅積
甲胸先貯呼
庚意倍惺鏡
縣無遁影絲
理絕重芟埽
穴除田鼠張
機扼野廩
諸戎深懾服
萬戶樂耕耘
雨沛還隨轍
風生更運斤
爭先工計畫
善後息紛紜
戰氣消青海
祥輝湧翠
霧投戈咸講藝
收族念離羣
豈特莊名義
何慚諡號文
句吳逢歉歲
縣罄徧江濱
公任龍舟渡
民誇翠幄紛
幕僚陪宴集
屬吏飽簞葷
妙用惟周急
奇方勝勸分
窳黎

沾德澤闔邑盡歡欣樹蔭甘棠愛雲祠石葉焚豐碑資
考證佳氣蕩氤氲下走慚樗櫟微忱薦藻芹庇民還陟
降一路惠風薰

獅子林

吾鄉獅窟據危崖此地獅林景更佳象幻狻猊蟠院落
色疑斑駁撲庭階法輪轉後雷音震神力騎來律座排
五畝地通巖萬竅玲瓏真足駭吟懷

木瀆游端園

角山樓詩鈔

卷十四

三

人工直與化工爭樹石清佳位置精每向纖穠畱古意
不教靡麗損幽情山如傑構平逾妙水似炊煙斷復生
恩遠未窮林壑趣後游鄭重訂鷗盟

登天然如畫樓望靈巖山

每觀好畫圖道是真山水偶逢山水佳又云畫圖似不
是人情好比方天實與人爭俶詭君不見靈巖山色壓
離闌佳境引人往復看有時風和日麗嵐光靜渾如摩
詰揮豪真趣完有時霧結煙霏珠瀑瀉又如米顛潑墨

痕未乾繞澗列松竹蕭疏想范寬當窗豔花鳥婉麗類
邊鸞流泉百重懸樹杪繪水繪聲才力殫獨惜琴臺成
廢圃遺簪墮珥蕝黃土采香徑塞野蒿生響屨廊空山
鳥舞使當盛時建此樓霧鬢煙鬟照庭宇何翅張萱士
女圖態濃意遠神凝聚鹿走烏棲今寂寥怪石枯松自
撐拄絕巘常畱古黛皴重巒不藉姓雲補會當蠟屐快
清游鼓興窮探洞壑幽好招顧陸開生面并爲端園繪
此樓

角山樓詩鈔

卷十四

四

司鐸臨滁畱別諸子

此生只合老青氈卻笑鴻泥迹屢遷露宿風餐成慣事
康莊仄徑總隨緣新知縱結苔岑契舊好難忘草閣延
最是一江南北望故山常見繞雲煙

黃天蕩懷古

洪濤百丈聲喧囂水天一色都溷淆老漁扣枴騰清謠
故事能談南宋朝蘄王颯爽人中豪朝發秀州苒金焦
峩舸大艦追回颿捷於駿馬馳山椒掀波戰士何勇驍

千尋鐵纆闌江潮下絕一纆沈一船金盃悚惶心膽搖
更聞桴鼓搥雲霄巾幗謀比鬚眉饒四十八日難遁逃
尉羅密布羈飛鴉潛開老鵝河一條醜虜雖得乘輕橈
威聲已遏驕敵驕假使將略終宣昭俾從淮泗鳴弓滿
便向燕雲喧錫鏡躬迎二帝回鸞鑣直教腥穢灑江皋
嗚呼稱臣稱姪由自招英雄徒使終衡茅騎驢湖上長
逍遙此閒廢壘蘆花飄一尊聊酌江月高

舟中望燕子磯

角山樓詩鈔

卷十四

五

崢嶸天險控金陵石燕翱翔勢遠騰六代名山都寂寞
千尋峭壁自峻嶒疏鐘忽共殘雲落脫葉旋看遠岫增
欲覓斷碑捫薜讀攜壺會上最高層

白門感舊

勝會當年逸興飛而今門第是耶非浮雲流水空陳迹
衰草寒雅伴落暉小別竟如千古夢再來誰識兩心違
難忘風雨挑鐙夜酒後吟成筆任揮

抵臨滁學署作

小小邯鄲夢無端又一場堂階雖冷落山水足徜徉地
僻民風質心閒俗慮忘無多勞位置幾卷伴匡牀

寄懷家兄敬敷川南

翹睇蜀雲邊蒼茫路八千離懷頻破月聚首憶殘年萍
任遙天汎匏還兩地縣素餐應共勉報稱意拳拳

送文童赴金陵應郡試

又向江頭計水程半林斜日一帆輕疏慵敢擬知塗馬
眼皖欣聞出谷鶯笑我折腰緣底事是誰總角播英聲

角山樓詩鈔

卷十四

六

鍾山雲氣秦淮月到處難忘昔日情

觀映公血書華嚴經

有序

寓金陵慧圓庵之佛稼軒雲根上人出其祖師映
公刺舌血所書華嚴經八十一卷字畫閒皆化金
色寶光燦爛猶時露血痕上人竝述其祖師其年
舌尖受剗生瘡語言模糊仍刺血不輟其苦修若
此惜卷面蝨蝕予爲易木版庶可永鎮禪林也

我聞子期衛主避寇兵心頭刺血與隨盟又聞茂漪思

親淚盈衷指端刺血書章奏自古忠臣孝子矢精誠瀝
血不辭肌骨透映公自幼入祇園寶機金繩悟本原熱
血一腔無所用菩提三味道彌尊說法自運廣長舌欲
使眾生咸悟徹眾生甚眾難徧傳警眾聊資舌端血舌
端齧破血淋漓立誓那顧右手胼日夜辛勤意專一殘
痕錯落猶滿頤舌遭破損艱伸屈欲言難言苦蹇吃清
晨刺血仍不休功行未安心佛鬱矢志堅凝事竟成八
十一卷橫庚庚血迹化作紫金色至今奪目光晶瑩年
角山樓詩鈔卷十四

七

遠雖遭蝨魚蝕事奇足繼龍樹名噫吁噫千載綱常誰
任負但憑至性蘊深厚操持果似映公堅砥行立名都
不朽我觀此經駭且欽爲增木簡付祇林九帶三衣非
所識但重堅貞一片心

卽事

時因病請假蒙委
訓導代理考事

冷署今逾冷蕭然陋室居官貧僅意懶事少吏人疏火
候參茶鼎金科檢藥書上階胡蝶倦偕我入華胥

慧圓庵懷古

地卽前明王府舊基

野寺荒涼嘒萁雅酸風凜冽吹黃沙紅心影颭宮人草
碧血痕迷帝子花帝子當年建朱邸燾土苴茅荷殊禮
才士聯翩萃兔園從臣赫奕排螭陛螭陛西連翡翠樓
美人憨笑樓上頭碧簫引鳳清歌麗紫衷回鸞妙舞迺
妙舞清歌朝復暮百年難盡柔鄉趣金戈鐵馬忽縱橫
墮珥遺簪泣岐路岐路潛逃何所歸回看繡閣煙塵飛
瓦礫參差填永巷蓬蒿茂密塞朱扉斬刈蓬蒿來釋子
琳宮紺宇重經始但看律座老瞿曇誰識瓊樓豔羅綺
角山樓詩鈔

卷十四

八

羅綺飄零付劫灰青燐閃閃繞荒臺晨鐘猶似景陽奏
暮鼓還疑花萼催暮鼓晨鐘清且肅哀感九幽音刺促
陰雨時聞呵殿聲寒宵慣作窳塗哭哭向寒宵共杜鵑
興亡轉眼古皆然故宮六代生禾黍何論藩封邸數椽
水災行

鳩形鵠面音紛唳百十成羣聚小艘扶老攜幼來韓江
行人瞥見神爲懼自言家世安耕耰田園饒裕俗敦龐
嘉蔬繁殖刈紅豷碧水潺湲汎綠苙竹籬茅舍連石疇

村落清幽息吠龙，天降飛災湧急瀧。湖注溢聲澁澁，
灌入清淮氣不降。雨水爭雄互擊撞，淫雨滂沱氣黯黮。
長堤怎敵風春縱，大吏飛符諭誌椿。急聞五霸洩流淙，
流淙橫溢凌高龐。勢若澗泉注瓦甬，吾儕神眩但踉蹌。
頃刻洪波入紙窗，安得鞭石成飛杠。移家暫寄山崆峒，
偶見堤畔來吳篋。闔村爭渡欲摧撞，嗟哉吾輩素愚憊。
汨餘殘喘輕於蠅，我聞斯言注目眩。羣黎福薄水遭涿，
沿河官吏擁塵幢。早鼓葺鼓聲碎，辭速出奇謀奠海邦。
角山樓詩鈔卷十四

九

使民擊壤翻新腔

贈吳管花

春燮

頻年畱榻向荒園，賓主言歡夙敦劔。到藏鋒方是古

鏡能照物總無言，和平自享清閒福。坦易還刪禮數繁

餘事偶然耽譜曲，奚童摩筵倚前軒。

僕善吹筵

生長名區近富春，風塵僕僕倦游人。門高王謝能持儉

術，究申韓不礙仁。愛潔卻疑真有癖，棄官常得自由身

清談得與數晨夕，臭味相投意更親。

佛手柑

四大形原幻三摩理盡空緣何柑實綴偏與手痕同嘉
種炎方擅清陰淨土籠慈雲深庇覆法雨灑微濛垢滌
纖塵淨光憑慧日烘植根超色相證果自玲瓏豎指靈
機見觀心祕旨通兜羅姿本滑網縵相尤豐勢轉祥輪
速文摛卍字工拈花畱密諦指月示羣蒙最是名流賞
堪將雅翫充八叉饒慧業三昧悟深功付鉢眞詮受傳
衣法界宏菩提誰獨覺善果契深衷別有璇閨靜剛逢
角山樓詩鈔卷十四

十

淑氣沖眾香懷淨域清供侑雕龔欲屈春纖弄還思法
力崇靈芳剛撲鼻結印早禪躬況是高僧輩供來古剎
中齋心香互映輪掌氣交融滑膩露甘露溫馨蕩惠風
曇花爭馥郁祇樹共籠蔥服餌動尤著胸襟鬱可攻還
如龍象力棒喝破愚朦

詠懷

笑絕歸裝一葉輕故鄉重敘別離情春風敢詡攀明道
趙生有薰陶終日坐春風萬生
有春風常願列宮牆等贈句
秋雨無端病馬卿坐對

詩書愁甸線怕教身世困將迎林居從此尋真樂閒製
歌謠頌太平

錦堂姪去年養疴漢陽倩友人繪種菊圖長卷
今秋出圖乞題爲賦此詩

素練帶清霜寒飛筆底香峻嶒畱傲骨點綴到秋光盡
洗繁華相偏成冷淡妝高人慎出處晚節自芬芳

昔年張曲宴佳色故園稠
曩居京口小園蒔菊百餘種
每逢花時輒招親故宴賞

往事空三徑今來又九秋煙雲傳畫卷題跋盛名流及

角山樓詩鈔卷十四

十一

爾長才展泉明疾正瘳
需次浙
江觀察

包松溪
良訓刺史招賞益菊

亭臺深處繞幽花伴月和煙帶露斜論品久推霜下傑
寄身原在地仙家豪情高曠凌秋節薄植荒寒倚玉莖

松溪爲壁山
姪之妻舅賓客滿園容獻頌松喬等福
見菊
頌定無涯

嚴子秋
沛大令以潤州菊種移植韓江旅舍招

同包松溪刺史李衛銘
元鼎茂才暨家兄竹

坪觀察小集爲賦長歌

幽花不宜揚州土似覺孤高厭蹉賈翩翩名士過江來
花亦隨之作儔侶主人嗜好與眾殊愛花成癖訂花譜
五光十色炫奇觀文心百變出機杼選客矜嚴荷寵招
敦盤勝會羣賢聚大好園林賴護持周旋莫辨賓和主
家敬敷兄仕蜀子
秋卽假居此園興酣拔劍聊起舞舞殷勤且爲花致語
花兮正直敦古處吾鎮養菊法直幹正花
不似揚郡屈曲拏勢不合時宜吾

與汝慎勿俗態隨仰俯自甘屈節作媚嫵小極催予解

簪組兩載冷官笑儒腐陶令歸來存菊圃敝居荒廢多

角山樓詩鈔 卷十四

三

榛莽浩歌慷慨徒自苦天寒且飲言可取入夜花光照

眼明畫堂絳蠟排千炬擬同古籍住維揚花亦聞之一

笑許坐中俱以鎮
籍寄居於揚

月令鞠有黃花蓋色以黃爲正也今菊種變態

百出燦然悅目有訾其非復東籬之舊者聊

爲花解嘲焉

羣卉鬪春妍黃花茂秋令歲晚有餘香似秉高士行胡

爲逞奇觀異種各爭勝聞以各色菊子攪
和入土則出新種園公事狡獪

造化我爲政變態常百出炫目燦輝映羅列作近翫或
爲幽花病吾獨謂不然大節貴端勁斌媚在顏色於嚴
本情性所以古君子變不失其正卽之雖可親望之先
起敬

角山樓詩鈔

卷十四

三

角山樓詩鈔卷十四終

角山樓詩鈔卷十五

丹徒趙克宜小樓

贈張石樵

安保

卽題味真閣詩集

用三江全韻

眞州古稱勝帶嶺仍衿瀧石樵老名宿聲名重韓江
翩然肯好我薄言駕輕隻聞名不如見共驚鬢眉龐呼童
布几席畱賓陳椀飭薄饌具雞黍清蔬及聳躩陶情鼓
瑤瑟避暑啟虛窗俚謠閒戲詭羣論何紛咙出詩十二
卷展卷眾目眩朗誦未及半雙眼愁昏眊胸中具邱壑

角山樓詩鈔

卷十五

一

五嶽森崆峒筆底翻波瀾天破銀河洛裝巖若古佛馭
風持繡幢明靚若仙子步虛領羣媿麗若天魔舞旋轉
聲蹙蹙奇若山鬼叫長嘯心恹恹抗議迴殊眾鉤鈿相
撐攢和鳴復悅耳佩玉磨琤琮該言雜俳弄妙戲參軍
椿險語鬪便捷奇技都盧撞大氣流浩瀚勢如萬里石
小詞亦妍媚輕如蓮花躡眾美難殫述藝林應寡雙走
也顧而笑懷筆如長杠舊著徧江漢新詩達再馳

川省欲翻

刻拙

遇敵那肯退作力鼎欲扛登壇氣磅礴助戰鼓砰

鋒長城破堅固文陣交矛鏃拔幟獨豎漢單騎思追厲
偶結志愈奮轉鬪心難降再衰更三竭省腹惟空腔用成

句避鋒急退舍意懾神爲雙耳目愧庸陋願君三赦憊
憶君舉明經文字頁上邦多君善解紛羣喙息吹龍念
彼愚俗人不辨珉與玕眾生可憐蟲蠕蠕如游蛇至文
了不識徒事營黜黜恨不謝塵世結廬居空筥閒情寒
薜荔逸興賦蘭芷幸君持高見俗論洗澁澁予昨解簪
組歸田安耕耨買斧入樵徑引竿就釣艘屣軀抱微恙
角山樓詩鈔卷十五
二
苦乏益壽邨暇日相問難巨鐘寸莛撞詩境判唐宋字
義析逢逢微旨一闡發暗室來明釭倏聞瑤華音俚歌
和祝榕涼颺透蓬壁微雨飛石淙無聊題素簡相思寄
紅缸讀竟已申旦隔巷鳴寒梆

題張石樵寄巢夜語圖

趙穀庵諱客眞州寄巢石樵與童石林錫齡舒鍊

雲位寒夜過訪相聚快談申旦不寐後鏡雲歸道

山穀庵石林皆作客遠游石樵屬族人老薑繪

圖以誌思舊之感今出以見示爲進一解賦贈

草草乾坤寄一塵生離死別劇堪憐
早知後會誠難必悔卻當場漫結緣
我輩論心只如此人生聚首總徒然
搏沙世界原無定好把嗔癡盡棄捐

凍豆腐

盛會啟氈鑪繁殺進羹臙有物價殊廉
含膏味不薄瑩潔取黎祁位置仿高閣
比次貼筠篁凌空繫縵索狂飈吼三更
清泉澆半勺玉質忽堅凝瓊文儼雕鑿
深如蟻

角山樓詩鈔

卷十五

三

穴窵密若蜂窠錯澤腹蘊盤渦巖腰隱
幽壑珠暈透玲瓏雪膚皴皺敲直教豆
靛瑩翻類麻嵒落執爨善烹調切玉任
揮霍滑澤漬金刀芳芬盈鐵鑊冷骨自
清澄熱中忽薰灼肌膩沃脂膏洞深受
鹽酪百孔盡消融五香更參酌豐可佐
雞豚儉亦配藜藿芳潤奪糕粿馨逾
餽飴萬竅氣潛通四隅形儼削老饕頻
取攜佐饌快饒嚼須知菽乳功遠勝腐
腸藥

消寒八詠

曝背

瞳矐旭采徧林邱斜倚茅檐薄煖浮淡矣全神都透徹
盎然春意樂優游恩光偏是竄冬渥身受纔知愷澤周
莫笑蚩氓思進獻愚忠合向野人求

擁被

晚來寒意倍難禁聊向匡牀擁布衾好約雁行同聚首
非徒鴛譜訂同心睡鄉頓覺餘溫襲詩思還從阿堵尋
畢竟山林真趣永黃綢不慮忝官箴

角山樓詩鈔

卷十五

四

糊窗

料峭尖風撲面迎卻寒好藉楮先生直方本是晶瑩抱
厚薄還教熨貼平不使纖微畱閒隙恰從潔淨見光明
白駒易逝添惆悵舍舊圖新轉眼更

補裘

黑貂裘敝費經營補綻還將妙技呈新故相乘防斷續
彌縫有術自充盈伐毛莫任纖微露洗髓惟憑采擇精
但使鍼痕都滅盡鮮華依舊燦三英

圍爐

生來傲骨怕趨炎，爭奈連朝朔雪嚴。
厲薰心休漫擬，斯須炙手亦何嫌。
論功欲奪烏銀價，入夜還將鴿炭添。
莫笑冬烘頭腦賤，春回黍谷效堪覘。

炙研

陶泓耿介抱淵衷，爲怯寒威也熱中。
涉筆欲爭春意盎，消冰不藉豔陽烘。
緣深香火前因悟，痕化煙雲淑氣融。
鐙下閒吟添逸趣，字經烹鍊句彌工。

角山樓詩鈔

卷十五

五

釀酒

豪華何必羨黃封，家釀惟將麴蘖供。
細辨水泉須潔淨，頻添火候莫疏慵。
品無甘苦都能受，味到清醇不覺醲。
數點梅花堪挹取，寒香冉冉汎瑤鍾。

炮羔

閒將月令細推詳，九夏宜嘗麥與羊。
畢竟陰陽須酌劑，何如性味辨溫涼。
躋堂合玩歛幽義，速舅還賡伐木章。
但得五中含煖意，鮮肥不數大關王。

審花詔

陽氣發舒陰閉塞蟄物至冬盡伏匿小圃經綸具節宣
花審審花候無忒數椽密室預綢繆塞向深巖墮戶周
幽邃不教朔風襲融和自爾微陽畱嘉卉根深方蘊結
盆盎盛來致涓潔祕密都將燠館藏縱橫還似瑤階列
連朝寒氣正蕭森弱質尤需護惜深不使巖疑侵玉骨
天然醞釀抱芳心君不見賢豪生際艱危日穴處巖居
甘隱逸勵志欲儕伊傅流翰光先與巢由匹又不見文
角山樓詩鈔卷十五

六

章鍊格賢深淳欲發仍收勢渾淪聚精彙神始一縱心
花意蘊超羣倫英華自古須涵蓄蓓蕾未垂蘊清馥不
是寒天善閉藏那能春院騰芳郁薰灼誰家擅祕方菁
華洩盡頓銷亡何如舒斂順時序豔發年年脈不傷

支靜生

方廉

觀察出所藏書畫招集同人翫賞

賦贈長歌

流俗收藏託奇古堪付飛煙歸一炬使君鑒別自有真
披沙揀金嚴去取興來折簡招吾徒軒開玉照清光舒

玉照軒書室名

百軸牙籤列几案，瑯環苑入神仙居。公崇節儉

愛墨寶，購求不吝千金輸。謂予嗜好有同癖，隻眼自與

尋常殊頓令。枵腹肆饜飫，恣意飽看但恐晝短斜陽晡。

時冬至前五日

就中晉人法帖更精絕，蘭亭名迹近代無。

所藏蘭亭

帖實爲希世之寶

右軍天資本超逸，況此尤爲得意書。想當趙

宋南渡後家置一冊魚目淆明珠，定武石刻畱一線日

遭椎搨嗟模糊。公從何處得善本，價值奚翅千璠璣。氣

足神完意趣永，較量肥瘦何拘墟。

靜生有肥瘦各一本

精光炯炯

角山樓詩鈔

卷十五

七

射雙目手指爲畫心，爲摹傳觀鄭重不敢褻。食具雖設

油誰污滿座，咨嗟頻動色。意將算取計安出，巧偷豪奪

古來多。那得公然對面忍，爲賊憶予避地走章門。家傳

舊迹無遺存，畫聖書仙空入夢。淒涼莫慰故人魂，今觀

此物增憤惋。往事飄零不可論，識鑒精嚴世有幾。如此

珍藏歡觀止，更將臨本示同人。

靜生將近日臨本見示

超絕丰標

自奇偉精神，欲與世南爭豪端。已現羲之鬼

諫筍舊揚芬諫果更凝彩苦口味終回沃心效可待植
根踞火維拓陰凌爽塏鬱蔥盡南枝鍾毓有眞宰青膚
蘊瓊膏翠顆排珠琲純固性原堅始終色不改但感鹽
汁浸恥受庸奴采竭來供几筵不假調鼎館茹苦欲棄
捐回甘復慚悔味澁氣逾清汁盡香猶在取舍任斯人
忠貞不稍怠飲罷滌煩醒餐餘消磊塊喉轉賴清澄骨
軀救危殆外圓性實剛德全才自倍改味軼如何含馨
超特乃侑酒鄙桃諸止渴勝梅醢靈腋漑心田冷香蒸
角山樓詩鈔 卷十五

八

髓海遺核耐煎熬奇花含蓓蕾篤實發輝光殘膏耀文

綵佳士著芳型敢以勵僚案

題王鳳清

吟卿

女史繡餘閣詩鈔

女史姑蘇人
爲嚴子秋大

令側
室

潤州江山揚州月巧藉君詩爲發越班家才調謝家風
聊憑我語爲研窟子陵居士多幽趣手持一編重相付
賤名流播到香閨得覩瓊瑤亦奇遇我聞名士出菰蘆
從古靈秀鍾吳趨靈秀胡爲結女子瑤池下謫來仙姝

霓裳霞佩乘雲車珊珊詩骨清而臞香奩以外竹素俱
有時晨起蟬鬢梳對鏡低吟意態舒或詠晚景步庭除
中天月色涼衣裾蘭闥清樂古所無更唱迭和興不孤
胸羅錦繡吟情攄女紅餘事閒操觚瓊編手訂聊自娛
彈琴度曲尤其餘鯁生學識慚拘墟匏宣瓦奏歌烏烏

忽聽琅璈按碧虛仙音入耳凡塵祛憶昔宦游毘陵境

荆溪女史何纖影

荆溪女史何禕字纖影繪贈
角山樓圖並爲拙集題詞

欣然繪

贈山樓圖並錫佳章標秀穎我援此例欲陳詩

鳳清亦
允拙集

角山樓詩鈔

卷十五

九

題
不惜拋博作玉引

偶成

勘破浮生夢蕭然世慮刪心神榮悴外行習黠癡閒作
佛情偏嬾非仙性亦頑祇容好風月不速到柴關

同張石樵訪其族人老薑詩人故居

我讀老薑詩雋永耐三復夙昔仰斯人高風竊私淑石

樵爲我言井南有遺築

宅畔有井自
號井南老人

暇日偶招邀閒情

訪空谷庭宇化邱墟居民走樵牧而地繞荆榛簫簫森慘

心目伊昔盛交游聲名動當軸文宴足清歡門外停華
轂嗟予生苦晚未得相追逐徒存嚮往心殘編丐膏馥
今來攜華宗迢遞覓高躅誰信此村居舊是詩人屋歸
塗增感慨欲去頻回矚慙亂噪寒雅斜陽挂疏木

除夜有感用蘇東坡除夜病中贈段屯田韻

寒漏滴宵深殘星閃天半耳目所聞見觸境助感歎良
辰能幾許到眼思把翫忽如將歸客轉瞬倏分散家人
強解事坐守約同伴逝水不復回傾義無兩旦

用成松句

角山樓詩鈔卷十五

十

明然紉益看核盈几案佳節莫可畱心緒飛雲亂賤體
抱微疴偃息廢巾盥閒緡本草經醫藥證和緩六載寄
韓江何時返鄉貫搏擊無遠懷弱質任頑懦與世勉周
旋行習等冰炭性拙耐困窮棲遲竹西館夜語覺淒清
澆愁酒頻煖萬象詰朝新檻外梅初榮

己酉元旦試筆

一聲爆竹響庭前又值元正歲序遷跪拜漸稀成老輩
嬉游最樂憶童年同時比戶新符換到處逢人吉語宣

慚愧微臣初解絨林居也自祝

堯天

自鳴鐘

挈壺紀周官浮箭詳漢史燥溼苦無常燠寒亦殊軌西
法獨精良神工極奇詭外昭華玉瑩中鍊精銅美結體
妙循環隨時按經紀遲速妨差譌杪忽細研揣人巧天
弗違數精術堪恃滿座方寂然逸響何鏗爾如聞孔壁
中疑奏窟室裏遮莫駭恭王將毋驚晉使聲偏入夜清
韻不因霜起差類雀知更絕勝魚躍水寒柝共驚心風
角山樓詩鈔 卷十五

十一

簫同入耳制豈鳧氏爲功恰雞人似託業有專家翻新
逞奇技粉壁可特懸牙牌供諦視吾黨惜餘閒昔賢珍
寸晷鄭重置座隅功修益勤止

家敬敷兄寄到和章得悉近況再和奉酬

萬里何由訊起居韓江新到隔年書梟徒競避高秋隼
川素多匪 德化眞成活水魚中夜不眠懷吏治六房無

事少豪胥料應藥物春山滿賤體須煩早備儲

予常抱
急煩購

厚朴
川連

無端搔首已華顛棲息衡茅祇自憐漫忝師儒曾竊祿
未酬人高厚愧歸田文章敢作千秋想疏懶渾教百
慮捐惟有閒情憑尺素爲傳離恨到君邊

追和蘇東坡梅花十絕仍次楊公濟原韻

小往維揚愛養和名場閱歷感偏多風流東閣誰堪繼
惆悵當年水部何

羅浮清夢似陽臺翠羽啁啾勝地開夜半酒醒人不見
月明如水浸蒼苔

角山樓詩鈔

卷十五

七

庭畔徘徊日幾回花時如對笑顏開世情落寞無知己
惟有巡簷自往來

花枝照眼酒盈尊小坐東軒日未昏信是早春誇獨步
不教蜂蝶易銷魂

棲息林泉總爲花幾株繞閣任橫斜斷雲流水知何處
冷淡孤山處士家

園中次第及時開羯鼓何勞著意催寄語東皇須護惜
春風莫逐箏聲來

幾生脩到清閒福消受風光對好枝細看孤標真絕代
轉嫌桃李俗難醫

他鄉幾見落英飛有客南來話舊枝回首故園春易晚
傷心怕說倚窗時

紛紛墮瓣落階輕綠葉成陰眼倍明結子莫嫌酸意帶
儒生風味轉多情

年來春事屬吾家乘醉吟詩字半斜安得天然高格調
將來題品歲寒花

角山樓詩鈔

卷十五

五

久雨悶絕寒食日天朗氣清友人招同湖亭小
集看桃花用韓昌黎寒食出游韻

久雨沈沈似久病纏綿不輟陰反盛郊原泥濘斷人行
那識紅霞燦交映春寒醞釀勒花遲時至花開與春競
年來多病意蹉跎閉門習靜耽吟詠撚鬢偶作憶花辭
擬向良朋一就正故人攜榼恰相招諄語佳期遇難更
平生夙具愛花心時託長鏡以爲命良朋會合非偶然
疑有鬼神潛握柄況兼異地感飄零得逢聚首尤堪慶

當筵拇戰任喧呼何必拘迂繆恭敬醉中日月劇悠長
壺裏乾坤自幽篔高歌不減謫仙狂強飲時中徐邈聖
良辰易與賞心違自古常嗟四難併煙波何必武陵源
隨在山梁能悅性韶華百五足畱連莫令摧殘風雨橫
平湖魚樂復何如跳波時作珠光迸自憐鬢髮漸蕭疏
怕對清流似明鏡花前聊復引深杯百罰應教免苛政
搖豪擲簡不自知縱橫亂埽風霆勁異時待得鼠姑開
再補墜歡肅觥令

角山樓詩鈔

卷十五

古

角山樓詩鈔卷十五終

